

四庫全書

集部

欽定四庫全書

集部

御選古文淵鑒卷十四

詳校官尚書臣德保

主事銜臣徐以坤覆勘

總校官進士臣朱鈐

校對官編修臣莊通敏

謄錄監生臣邱南林

欽定四庫全書

御選古文淵鑒卷十四目錄

漢

王吉

諫昌邑王疏

上言得失疏

路溫舒

上尚德緩刑書

魏相

諫伐匈奴書

條便宜奏

陰陽月令奏

趙充國

陳兵利害書

上屯田奏一

屯田奏二

屯田奏三

鄭昌

請定律令疏

張敞

上霍氏封事

劾黃霸奏

自請治盜賊書

賈捐之

請棄珠厓對

匡衡

政治得失疏

治性正家疏

戒妃匹勸經學疏

貢禹

循古節儉奏

言錢幣書

言風俗書

蕭望之

入穀贖罪議

王褒

聖主得賢臣頌

諸葛豐

謝上書

欽定四庫全書

御選古文淵鑒卷十四

內閣學士兼禮部侍郎教習庶吉士

臣徐乾學

等奉

旨編注

漢

王吉

字子陽
鄉平廣人
好學明經
初為
昌邑中尉
宣帝時為博士
諫大夫

諫昌邑王疏

王動作亡節
吉疏諫王
入立尋廢
吉與郎中令
冀遂以忠直
數諫正

咸死為

城旦

王式以三百五篇
諫豈若此書謹切

鹿門茅坤曰吉

疏本經術而文

章之音與古伊

訓說命相表裏

臣熙曰忠愛出

於至誠言雖切

直意實和婉文

辭秀膽可與司

馬相如並軀

臣聞古者師日行三十里吉行五十里詩云匪風發兮

匪車揭兮顧瞻周道中心慙兮

檜國匪風之篇慙古怛字

說曰是非

古之風也發發者是非古之車也揭揭者蓋傷之也

今

發發然者非古有道之風也今之揭揭然者非古有道之車也故傷之

今者大王幸方與

縣名音房預

曾不半日而馳二百里百姓頗廢耕桑治道牽

馬臣愚以為民不可數變也昔召公述職當民事時舍

於棠下而聽斷焉是時人皆得其所後世思其仁恩至

乎不伐甘棠甘棠之詩是也大王不好書術而樂逸游

馮式搏銜

搏促也。予本反。

馳騁不止口倦乎叱咤

叱亦叱字。竹駕反。

手苦於筆轡

筆馬策。止策反。

身勞虜車輿朝則冒霧露晝則

被塵埃夏則為大暑之所暴炙冬則為風寒之所匱薄

匱與偃同言過疾風則偃靡也薄迫也。

數以奕脆之玉體犯勤勞之煩毒

奕柔也。而充反。

非所以全壽命之宗也又非所以進仁義之

隆也夫廣夏之下細旃之上

廣夏大屋也。旃與氍同。

明師居前勸

誦在後上論唐虞之際下及殷周之盛考仁聖之風習

治國之道訢訢焉發憤忘食日新厥德其樂豈徒銜檄

之間哉休則俛仰詘信以利形進退步趨以實下

今人不

則膝已下
虛弱不實

吸新吐故以練臧專意積精以適神於以養

生豈不長哉大王誠留意如此則心有堯舜之志體有

喬松之壽

喬松仙人伯喬
及赤松子也

美聲廣譽登而上聞則福祿

其臻而社稷安矣

轅與
臻同

皇帝仁聖至今思慕未怠

皇帝
謂昭

帝也言武帝晏駕
未久故尚思慕

於宮館囿池弋獵之樂未有所幸大

王宜夙夜念此以承聖意諸侯骨肉莫親大王大王於
屬則子也於位則臣也一身而二任之責加焉恩愛行

以禮字為骨自是
經術據言

東發黃震曰王
吉事昌邑喜得
輔弼之義上宜
帝一疏可謂通
達世務不合即

義城介有不具者於以上聞非饗國之福也臣吉愚戇
願大王察之

上言得失疏

是時宣帝頗修武帝故事宮室車
服盛於昭帝時外戚許史王氏貴

寵而上躬親政事任用
能吏吉上疏言得失

陛下躬聖質總萬方帝王圖籍日陳於前惟思世務將
興太平詔書每下民欣然若更生臣伏而思之可謂至
恩未可謂本務也欲治之主不世出公卿幸得遭遇其
時言聽諫從然未有建萬世之長策舉明主於三代之

歸不為祿仕漢
儒學術正大出
處無愧董生而
下子陽一人而
已孟堅以次逸
民之後未為知
言四皓鄭嚴遠
矣王子陽遠乎
哉

隆者也其務在於期會簿書斷獄聽訟而已此非太平
之基也臣聞聖王宣德流化必自近始朝廷不備難以
言治左右不正難以化遠民者弱而不可勝愚而不可
欺也聖王獨行於深宮得則天下稱誦之失則天下咸
言之行發於近必見於遠故謹選左右審擇所使左右
所以正身也所使所以宣德也詩云濟濟多士文王以
寧

大雅文王之詩

此其本也春秋所以大一統者六合同風九

州共貫也今俗吏所以牧民者非有禮義科指可世世

通行者也獨設刑法以守之其欲治者不知所繇以意
穿鑿各取一切權譎自在故一變之後不可復修也是
以百里不同風千里不同俗戶異政人殊服詐偽萌生
刑罰亡極質樸日銷恩愛寔薄孔子曰安上治民莫善
於禮

孝經載孔子之言

非空言也王者未制禮之時引先王禮

宜於今者而用之臣願陛下承天心發大業與公卿大
臣延及儒生述舊禮明王制毆一世之民躋之仁壽之
域則俗何以不若成康壽何以不若高宗

高宗殷王武丁也享國百

年竊見當世趨務不合於道者謹條奏趨讀曰趣趣向也唯陛

下財擇焉

路溫舒

字長君鉅鹿東里人守廷尉史歷官臨淮太守治有異迹

上尚德緩刑書

時宣帝初即位溫舒上書

凡為法吏者皆宜朝夕省覽庶可上宣德意下安黎氓

臣聞齊有無知之禍而桓公以興晉有驪姬之難而文公用霸近世趙王不終諸呂作亂而孝文為太宗繇是觀之禍亂之作將以開聖人也故桓文扶微興壞尊文武之業澤加百姓功潤諸侯雖不及三王天下歸仁焉

文帝永思至德以承天心崇仁義省刑罰通關梁一遠
近敬賢如大賓愛民如赤子內恕情之所安而施之於
海內是以囹圄空虛天下太平夫繼變化之後必有異
舊之恩此賢聖所以昭天命也往者昭帝即世而無嗣
大臣憂戚焦心合謀皆以昌邑尊親援而立之然天不
授命淫亂其心遂以自亡深察禍變之故迺皇天之所
以開至聖也故大將軍受命武帝股肱漢國謂霍光披肝
膽決大計黜亡義立有德輔天而行然後宗廟以安天

下咸寧臣聞春秋正即位大一統而慎始也陛下初登
至尊與天合符宜改前世之失正始受命之統滌煩文
除民疾存亡繼絕以應天意臣聞秦有十失其一尚存
治獄之吏是也秦之時羞文學好武勇賤仁義之士貴
治獄之吏正言者謂之誹謗過過者謂之妖言故盛服
先生不用於世忠良切言皆鬱於胸譽諛之聲日滿於
耳虛美熏心實禍蔽塞此乃秦之所以亡天下也方今
天下賴陛下恩厚亡金革之危饑寒之患父子夫妻戮

臣德宜曰俗吏
聞恤民命惟務
刻深苟免失出
之愆實累好生
之德此書言之
絕痛足以消害
氣而召天和非
特為宣帝崇尚
刑名之鑒

水心葉適曰路
溫舒言秦有十
失其一尚存此
意雖狹然宣帝

力安家然太平未洽者獄亂之也夫獄者天下之大命

也死者不可復生鬻者不可復屬

鬻古絕字
屬連也

書曰與其

殺不辜寧失不經今治獄吏則不然上下相毆以刻為

明深者獲公名平者多後患故治獄之吏皆欲人死非

憎人也自安之道在人之死是以死人之血流離於市

被刑之徒比肩而立大辟之計歲以萬數此仁聖之所

以傷也太平之未洽凡以此也夫人情安則樂生痛則

思死捶楚之下何求而不得故囚人不勝痛則飾辭以

入其語擇吏輕
刑助成安民之
治

臣正治曰溫舒
通於春秋之義
故其疾吏之言
痛切如此史稱
其辭順而意篤
信矣

視之吏治者利其然則指道以明之上奏畏卻則鍛鍊

而周內之

精熟周悉致之法中也
卻退也畏為上所卻退

蓋奏當之成

當謂處
其罪也

雖咎繇聽之猶以為死有餘辜何則成鍊者衆文致之

罪明也是以獄吏專為深刻殘賊而亡極喻為一切

苟

止也一切
權特也

不顧國患此世之大賊也故俗語曰畫地為

獄議不入刻木為吏期不對

畫獄木吏尚不入對況真
實乎期猶必也議必不入

對

此皆疾吏之風悲痛之辭也故天下之患莫深於獄

敗法亂正離親塞道莫甚乎治獄之吏此所謂一尚存

者也臣聞烏鳶之卵不毀而後鳳凰集誹謗之罪不誅

而後良言進故古人有言山藪臧疾川澤納污瑾瑜匿

惡國君含詬

春秋左氏傳晉大夫伯宗之辭詬恥也言山藪之有草木則毒害者居之川澤之形

廣大則能受于汚濁人君之善御下亦當忍恥病也唯陛下除誹謗以招切言開

天下之口廣箴諫之路掃亡秦之失尊文武之惠省法

制寬刑罰以廢治獄則太平之風可興於世永履和樂

與天亡極天下幸甚

魏相

字弱翁濟陰定陶人少學易舉賢良對策高第宣帝時為丞相封高平侯

諫伐匈奴書

元康中匈奴遣兵擊漢屯田車師者不能下上與趙充國等議欲因

匈奴衰弱出兵擊其右地使不敢復擾西域相上書諫上從相言而止

案今年以下真軍相語也兩吉問牛喘視此不太迂闊耶

西山真德秀曰按相之論諫如

臣聞之救亂誅暴謂之義兵兵義者王敵加於已不得已而起者謂之應兵兵應者勝爭恨小故不忍憤怒者謂之忿兵兵忿者敗利人土地貨寶者謂之貪兵兵貪者破恃國家之大矜民人之衆欲見威於敵者謂之驕兵兵驕者滅此五者非但人事乃天道也問者匈奴嘗有善意所得漢民輒奉歸之未有犯於邊境雖爭屯田

此所以為直漢
相與

致堂胡寅曰魏
相此疏止無名
之師預連兵之
禍恐傷陰陽之
和以生蕭牆之
憂真社國之遠
敵宰相之能事
其尤可服者不
隱風俗薄惡子
弟殺父兄妻殺
夫之變直以告
君此則賢者猶
或以為難也

車師不足致意中今聞諸將軍欲興兵入其地臣愚不
知此兵何名者也今邊郡困乏父子共犬羊之裘食草
萊之實常恐不能自存難以動兵軍旅之後必有凶年
此引老子語言民以其愁苦之氣傷陰陽之和也出兵雖勝
猶有後憂恐災害之變因此以生今郡國守相多不實
選風俗尤薄水旱不時案今年計子弟殺父兄妻殺夫
者凡二百二十二人臣愚以為此非小變也今左右不
憂此乃欲發兵報纖介之忿於遠夷殆孔子所謂吾恐

季孫之憂不在顓臾而在蕭牆之內也願陛下與平昌

侯樂昌侯平恩侯及有識者詳議乃可

平昌侯王無故樂昌侯王武並

帝之舅平恩侯許伯

皇太子外祖父也

條便宜奏

相好觀漢故事及便宜章奏以為古今異制方今務在奉行故事而已數

條漢典以來國家便宜行事及賢臣賈誼董
錯董仲舒等所言奏請施行之上施行其策

臣聞明主在上賢輔在下則君安虞而民和睦

虞與臣娛同

相幸得備位不能奉明法廣教化理四方以宣聖德民

多背本趨末或有飢寒之色為陛下之憂臣相罪當萬

二十三事及相傳中所云漢興以來國家便宜行事即賈誼董仲舒所言也惜未臚悉鹿門茅坤曰此

秦是弱翁知大體處

臣廷敬曰漢世守威令主無過文景孝昭所行者皆文景之法故相勸宣帝師行之

永之素衷曰魏相以小令即能摘弘羊之客之奸及居相位後霍顯之執后去尚書之副封止無名之師條水旱之疏有胸即

死臣相知能淺薄不明國家大體時用之宜惟民終始

未得所繇竊伏觀先帝聖德仁恩之厚勤勞天下垂意

黎庶憂水旱之災為民貧窮發倉廩振乏餒遣諫大夫

博士巡行天下察風俗舉賢良平冤獄冠蓋交道省諸

用寬租賦弛山澤波池

弛放也言不禁俾之也波讀曰陂

禁秣馬酤酒

貯積

秣以粟米飲馬也酤酒者廉費深也貯積者滯米粟也

所以周急繼困慰安

元元便利百姓之道甚備臣相不能悉陳昧死奏故事

詔書凡二十三事臣謹案王法必本於農而務積聚量

陳有言即蓋不可謂非賢相也

弟以刑名之主

為輔以展刻之

佐史謂其稱上

意蓋深惜之也

陳止齋曰君臣

之間相知之深

相濟之不足君

子以為未盡善

信乎

入制用以備凶災亡六年之畜尚謂之急

禮記王制云國無九年之

蓄曰不足無六年之畜曰急無三年之畜曰國非其國也

元鼎二年平原渤海太山

東郡溥被災害民餓死於道路二千石不豫慮其難使

至於此賴明詔振捋乃得蒙更生今歲不登穀暴騰踴

價忽大貴也

臨秋收斂猶有乏者至春恐甚亡以相恤西羌

未平師旅在外兵革相乘臣竊寒心宜蚤圖其備唯陛

下留神元元帥繇先帝盛德以撫海內

陰陽月令奏

漢儒說易每流於
術數觀相此秦可
以類見

臣相幸得備員奉職不修不能宣廣教化陰陽未和災
害未息咎在臣等臣聞易曰天地以順動故日月不過

四時不忒聖王以順動故刑罰清而民服天地變化必

繇陰陽陰陽之分以日為紀日冬夏至則八風之序立

萬物之性成各有常職不得相干東方之神太昊乘震

執規司春

木為仁仁者生
生者圖故為規

南方之神炎帝乘離執衡司

夏

火為禮禮者齊
齊者平故為衡

西方之神少昊乘兌執矩司秋

金為義

者成成者
方故為矩

北方之神顓頊乘坎執權司冬

水為智智者
謀謀者重故

槐野王維楨曰

漢時以卦氣論治

西山真德秀曰

按月令之書雖

起秦世然先王

之制存焉漢興

頗用其畧如春

行寬大之令布

封賞之恩以至

秋冬理獄十月

而後不復論因

類皆本之月令

自高帝時有趙

亮等分舉四時

為中央之神黃帝乘坤艮執繩司下土

土為信信者誠誠者直故為繩

茲五帝所司各有時也東方之卦不可以治西方南方

之卦不可以治北方春興兌治則饑秋興震治則華冬

興離治則泄夏興坎治則雹明王謹於尊天慎於養人

故立義和之官以乘四時

乘治也

節授民事君動靜以道

奉順陰陽則日月光明風雨時節寒暑調和三者得敘

則災害不生五穀孰絲麻遂草木茂鳥獸蕃民不夭疾

衣食有餘若是則君尊民悅上下無怨政教不違禮讓

之制至是親相
又為宣帝言之
其後李尋告哀
帝謂朝廷忽於
時月之令諸侍
中尚書近臣宜
令通知月令之
意而咸夏新入
識者如王莽之
必亡後漢陳寵
魯恭亦嘗論此
大畧皆原於月
令云

臣乾學曰此即
明堂月令也用

可興夫風雨不時則傷農桑農桑傷則民飢寒飢寒在
身則亡廉恥寇賊姦宄所繇生也臣愚以為陰陽者王
事之本羣生之命自古賢聖未有不繇者也天子之義
必純取法天地而觀於先聖高皇帝所述書天子所服
第八曰 第八天子衣服之制也於施行詔書第八 大謁者臣章受詔長樂宮
曰令羣臣議天子所服以安治天下相國臣何御史大
夫臣昌謹與將軍臣陵太子太傅臣通等議 蕭何周昌
王陵叔孫
通
春夏秋冬天子所服當法天地之數中得人和故自

以布政王者所
甚重乃高帝詔
僅及主衣之官
武帝作明堂僅
以祀五帝蓋沒
失古意矣相此
奏絕有關係

天子王侯有土之君下及兆民能法天地順四時以治

國家身亡禍殃年壽永究

究竟也

是奉宗廟安天下之大

禮也臣請法之中謁者趙堯舉春李舜舉夏兒湯舉秋

貢禹舉冬

四時各舉所施行政事
高帝時自有一貢禹也

四人各職一時大謁

者襄章奏制曰可孝文皇帝時以二月施恩惠於天下

賜孝弟力田及罷軍卒祠死事者頗非時節御史大夫

鼂錯時為太子家令奏言其狀臣相伏念陛下恩澤甚

厚然而災氣未息竊恐詔令有未合當時者也願陛下

選明經通知陰陽者四人各主一時時至明言所職以和陰陽天下幸甚

趙充國

字翁孫隴西上邽人沈勇有大略少好將帥之節而學兵法與霍光定冊尊立宣帝

封營平侯為後將軍破羌振旅而還復為將軍衛尉以老致仕卒

陳兵利害書

宣帝書敕讓充國曰皇帝問後將軍甚苦暴露將軍計欲至正月迺

擊罕羌人當獲麥已遠其妻子精兵萬人欲為酒泉敦煌寇邊兵少民守保不得田作今張掖以東粟石百餘芻橐來數十轉輸竝起百姓煩擾將軍將萬餘之衆不早及秋共水草之利爭其畜食欲至冬虜皆當畜食多藏匿山中依險阻將軍士寒手足皸痲寧有

利哉將軍不念中國之費欲以歲數而勝微將軍誰不樂此者今詔破羌將軍武賢將兵六千一百人敦煌太守快將二千人長水校尉富昌酒泉侯奉世將姑月氏兵四千八十七慮萬二千人齎三十日食以七月二十二日擊罕羌入鮮水北句廉上去酒泉八百里去將軍可千二百里將軍其引兵便道西並進雖不相及使虜聞東方北方兵並來分散其心意離其黨與雖不能殄滅當有瓦解者已詔中郎將印將胡越狄飛射士步兵二枚益將軍兵今五星出東方中國大利蠻夷大敗太白出高用兵深入敢戰者吉弗敢戰者凶將軍急裝因天時誅不義萬卜必全勿復有疑充國既得讓以為將任兵在外便宜有守以安國家通上書謝罪因陳兵利害

充國堅持不撓其
公忠之節則然亦
由此書明白曉暢
切於事情故當時
委心以聽耳

岷隱戴漢曰漢
常窮兵深入二
三十年用事更
秋雖士馬物故
而寇亦折北不
支就使如武賢

臣竊見騎都尉安國前幸賜書擇羌人可使使罕

罕羌姓。

漢上

諭告以大軍當至漢不誅罕以解其謀恩澤甚厚

非臣下所能及臣獨私美陛下盛德至計亡已故遣开

豪雕庫宣天子至德

开羌姓。

罕开之屬皆聞知明詔今先

零羌楊玉

零音憐。

此羌之首帥名王將騎四千及煎鞏騎

五千阻石山木候便為寇

謂依山之木石以自保固。

罕羌未有所

犯今置先零先擊罕釋有罪誅亡辜起壹難就兩害誠

非陛下本計也臣聞兵法攻不足者守有餘又曰善戰

之策出兵破羌
羌亦當離解國
勢不足抗漢未
至如充國所慮
者然充國志不
在羌也漢名將
稱衛霍然實無
他能專以深退
遠討為功又當
時輕銳少年若
終軍傅介子輩
以圖倖倖懷已
首刺人於戶牖
之間使天子喜
遣功者非此輩
啓之乎充國老

者致人不致於人今罕羌欲為敦煌酒泉寇宜飭兵馬
練戰士以須其至坐得致敵之術以逸擊勞取勝之道
也今恐二郡兵少不足以守而發之行攻釋致虜之術
而從為虜所致之道臣愚以為不便先零羌虜欲為背
畔故與罕开解仇結約然其私心不能亡恐漢兵至而
罕开背之也臣愚以為其計常欲先赴罕开之急以堅
其約先擊罕羌先零必助之今虜馬肥糧食方饒擊之
恐不能傷害適使先零得施德於罕羌堅其約合其黨

臣深識世變不以晚年一為宣帝言此誰當復言者愛惜民命保護國體使天子知養威持重不折矢傷鉞亦足制敵成功宴然無後患餘禍匡救其君之心術以為後世用兵之法

虜交堅黨合精兵二萬餘人迫脅諸小種附著者稍衆莫須之屬不輕得離也莫須小種羌名如是虜兵寢多誅之力數倍臣恐國家憂累繇十年數不二三歲而已臣得蒙天子厚恩父子俱為顯列臣位至上卿爵為列侯犬馬之齒七十六為明詔填溝壑死骨不朽亡所顧念獨思惟兵利害至孰悉也於臣之計先誅先零已則罕开之屬不煩兵而服矣先零已誅而罕开不服涉正月擊之得利之理又其時也以今進兵誠不見其利唯陛下

罷兵留屯為經久之規老臣謀國忠智即此可見

子克王碑曰克國奏疏乃兵家

裁察

後罕羌竟不煩兵而下

上屯田奏一

奏

充國度先零羌必環欲罷騎兵屯田以待其敵會得進兵璽書因上

臣聞兵者所以明德除害也故舉得於外則福生於內不可不慎臣所將吏士馬牛食日月用糧穀十九萬九千六百三十斛鹽千六百九十三斛芟橐二十五萬二百八十六石

芟乾芻也橐禾稈也石百二十斤

難久不解繇役不息又

恐它夷卒有不虞之變相因竝起為明主憂誠非素定

計策其實在於屯田也先零罕
开相合勢不能
久充國故欲以
計挫之其曰兵
難踰度額至金
城關上方畧又
曰兵當以全取
勝是幾也宣帝
及在廷諸臣未
有能知之者光
國往復議論不
過糧草多少爾
幾初不露也盖
人見其調度異
於尋常故輸誠

廟勝之冊

廟勝謂謀於廟堂而勝敵也

且羌虜易以計破難用兵碎

也故臣愚以為擊之不便計度臨羌東至浩亶羌虜故

田及公田民所未墾可二千頃以上其間郵亭多壞敗

者臣前部士入山伐材木大小六萬餘枚皆在水次願

罷騎兵留弛刑應募及淮陽汝南步兵與吏士私從者

合凡萬二百八十一人用穀月二萬七千三百六十三

斛鹽三百八斛分屯要害處水解漕下繕鄉亭浚溝渠

漕下以水運木而下也繕補也浚深治也

治湟陜以西道橋七十所令可至

而退充國尋亦
凱還存邊自冬
涉夏未嘗收粒
粟不然五月穀
將熟詎肯留以
資敵耶充國之
答浩星賜曰兵
勢國之大事當
為後法至是宣
帝始悟其美矣

屯田之利繁若列
眉可以折盈廷之

鮮水左右田事出賦人二十晦事出謂至春人出營田也賦謂班與之也至

四月草生發郡騎及屬國胡騎伉健各千倅馬什二就

草倅副也什二者千騎則與副馬二百匹也○伉口浪反為田者遊兵以充入金

城郡益積畜省大費今大司農所轉穀至者足支萬人

一歲食謹上田處及器用簿唯陛下裁許

屯田奏二上報曰皇帝問後將軍言欲罷騎兵萬人留田即如將軍之計庸當何時

伏誅兵當何時得決執計其便復奏

臣聞帝王之兵以全取勝是以貴謀而賤戰戰而百勝

議宜乎宣帝之聽從也

身之胡三省曰此兵法之辭言先自完堅令敵不能勝我乃可以勝敵此言本之孫子

非善之善者也故先為不可勝以待敵之可勝蠻夷習

俗雖殊於禮義之國然其欲避害就利愛親戚畏死亡

一也今虜亡其美地薦草

薦桐草

愁於寄託遠遯骨肉離

心人有畔志而明主般師罷兵

般音班

萬人留田順天時

因地利以待可勝之虜雖未即伏辜兵決可暮月而望

羌虜瓦解前後降者萬七百餘人及受言去者凡七十

輩

受言去者謂羌受充國之言歸相告喻者也

此坐支解羌虜之具也臣謹

條不出兵留田便宜十二事步兵九校

一部為一校也

吏士萬

東發黃裳曰充國老成持重為國家計為民生計而功名之念不入其心漢世諸將孰能與比其謂明主可與忠言謂老臣不以餘命重為陛下明言誰當復言之者為信力行不遷就不回

人留屯以為武備因田致穀威德並行一也又因排折羌虜令不得歸肥饒之墜貧破其衆以成羌虜相畔之漸二也居民得並田作不失農業三也軍馬一月之食度支田士一歲罷騎兵以省大費四也至春省甲士卒循河湟漕穀至臨羌以眎羌虜

眎亦示字

揚威武傳世折衝之具五也以閒暇時下所伐材繕治郵亭充入金城六也兵出乘危徼幸不出令反畔之虜竄於風寒之地離霜露疾疫瘡墮之患

離遭也墮謂因寒瘡而墮指者也

坐得必勝之道

撓凜然古大臣之風烈又非特才名而已也嗚呼使充國得任天下當如此兵矣奈何獨使之參兵謀而已也

七也亡經阻遠追死傷之害八也內不損威武之重外

不令虜得乘間之執九也

問謂軍之閒隙

又亡驚動河南大开

小丹

皆羌種在河西之河南也

使生他變之憂十也治湟陜中道橋

令可至鮮水以制西域信威千里從枕席上過師十一

也

橋成軍行安易若於枕席上過也

大費既省繇役豫息以戒不虞十

二也留屯田得十二便出兵失十二利臣充國材下犬

馬齒衰不識長冊唯明詔博詳公卿議臣採擇

屯田奏三

上復賜報曰皇帝問後將軍言十二便聞之虜雖未伏誅兵決可期月而

欽定四庫全書

御選古文淵覽
卷十四

望期月而望者謂今冬邪謂何時也將軍獨
不計虜聞兵頗罷且丁壯相聚攻擾田者及
道上屯兵復殺略人民將何以止之又大开
小开前言曰我告漢軍先零所在兵不往擊
久留得亡效五年時不分別人而并擊我其
意恐今兵不出得亡變生與先零為一將軍
孰計
復奏

計慮深遠字字學
肌分理

臣聞兵以計為本故多算勝少算先零羗精兵今餘不
過七八千人失地遠客分散饑凍罕开莫須又頗暴略
其羸弱畜產畔還者不絕皆聞天子明令相捕斬之賞
臣愚以為虜破壞可日月異遠在來春故曰兵決可期

南軒張栻曰反覆究其規模味其風旨逮大周密拔出倫輩漢將誠當以趙充國為最
德臣徐中行曰充國受命平羌不希功於旦夕也審形便計利害守便宜循而行之終底厥績蓋戰勝之形定於未戰固老臣之長慮哉

月而望竊見北邊自敦煌至遼東萬一千五百餘里乘

塞列隧有吏卒數千人虜數大衆攻之而不能害今留

步士萬人屯田地執平易多高山遠望之便部曲相保

為塹壘木樵

樵與譙同謂為高樓以望敵也。樵才消反。

校聯不絕

校謂用木自相

貫穿以

便兵弩飭鬪具饗火幸通執及并力以逸待勞

兵之利者也臣愚以為屯田內有亡費之利外有守禦

之備騎兵雖罷虜見萬人留田為必禽之具其土崩歸

德宜不久矣從今盡三月虜馬羸瘦必不敢捐其妻子於

它種中遠涉河山而來為寇又見屯田之士精兵萬人

終不敢復將其累重還歸故地

累重謂妻子也

是臣之愚計所

以度虜且必瓦解其處不戰而自破之冊也至於虜小

寇盜時殺人民其原未可卒禁臣聞戰不必勝不苟接

刃攻不必取不苟勞衆誠令兵出雖不能滅先零豈能

令虜絕不為小寇則出兵可也

豈但同

即今同是

俱不能止小寇

臣鴻緒曰屯田十二便前奏已備此復揣度敵情勝如指掌比美方召宜也

盜而釋坐勝之道從乘危之執往終不見利空內自罷

敝貶重而自損非所以視蠻夷也

視讀曰示

又大兵一出還

不可復留湟中亦未可空如是繇役復發也且匈奴不可不備烏桓不可不憂今又轉運煩費傾我不虞之用以澹一隅

澹古曠字給也

臣愚以為不便校尉臨衆幸得承威

德奉厚幣拊循衆羌諭以明詔宜皆鄉風雖其前辭嘗

曰得亡效五年宜亡它心不足以故出兵臣竊自惟念

奉詔出塞引軍遠擊窮天子之精兵散車甲於山野雖

七尺寸之功媮得避嫌之便

嫌讀與嫌同

而亡後咎餘責此

人臣不忠之利非明主社稷之福也臣幸得奮精兵討

不義久留天誅

言不早殄滅賊也

罪當萬死陛下寬仁未忍加

誅令臣數得執計愚臣伏計孰甚不敢避斧鉞之誅昧

死陳愚唯陛下省察

詔罷兵獨充國留屯田諸羌死七降散所餘無幾明年請罷屯田充

國振旅而還

鄭昌

涿郡太守

請定律令疏

宣帝置廷平秩六百石以平刑選于定國為廷尉黃霸等為廷平昌

因上疏

聖王置諫爭之臣者非以崇德防逸豫之生也立法明

任法不若任人才
難不若平法哉

論
萬舉方為無弊之

刑者非以為治救衰亂之起也今明主躬垂明聽雖不
置廷平獄將自正若開後嗣不若刪定律令律令一定
愚民知所避姦吏無所弄矣今不正其本而置廷平以
理其末也政衰聽怠則廷平將招權而為亂首矣

張敞

字子高本河東平陽人後徙杜陵治春秋
以經術自輔歷官守相京兆尹以能吏稱

上霍氏封事

宣帝漸疎霍氏山雲以過歸第諸
壻親屬頗出補吏敞聞之上封事

終後一段已知霍
氏之必為逆持以
千里騰書不敢宣
露故微咎其端張

臣聞公子季友有功於魯大夫趙衰有功於晉大夫田
完有功於齊皆疇其官邑延及子孫終後田氏篡齊趙

敬真能臣也

子充王禕曰敝
與魏相蕭望之
皆不得志於先
者也光薨之後
三人上疏言霍
氏俱援李氏專

氏分晉季氏顓魯故仲尼作春秋迹盛衰譏世卿最甚
邇者大將軍決大計安宗廟定天下功亦不細矣夫周
公七年耳而大將軍二十歲海內之命斷於掌握方其
隆時感動天地侵迫陰陽月朏日蝕晝冥宵光地大震
裂火生地中天文失度祿祥變怪不可勝記皆陰類盛
長臣下顓制之所生也朝臣宜有明言曰陛下褒寵故
大將軍以報功德足矣間者輔臣顓政貴戚太盛君臣
之分不明請罷霍氏三侯皆就第及衛將軍張安世宜

權為證然相望之所言若未能盡除私意惟欲詞正氣平又善於處事情不用也

臣乾學曰此時霍氏罪釁已成如欲言猶可以綱逆節少抒焦爛之禍所貴乎知者謂其能隨事補救也

賜几杖歸休時存問召見以列侯為天子師明詔以恩不聽羣臣以義固爭而後許天下必以陛下為不忘功德而朝臣為知禮霍氏世世無所患苦今朝廷不聞直聲

言朝臣不進直言以陳其事

而令明詔自親其文非策之得者也

今兩侯以出人情不相遠以臣心度之大司馬及其枝屬必有畏懼之心夫近臣自危非完計也臣敢願於廣朝白發其端直守遠郡其路無由夫心之精微口不能言也言之微眇書不能文也故伊尹五就桀五就湯蕭

相國薦淮陰累歲乃得通况乎千里之外因書文諭事
指哉唯陛下省察

劾黃霸奏

霸相業本無足觀
所劾二事亦甚苛

竊見丞相請與中二千石博士雜問郡國上計長吏守
丞為民興利除害成大化條其對有耕者讓畔男女異
路道不拾遺及舉孝子弟弟貞婦者為一輩先上殿丞相
所居屋也古者屋之高嚴
通呼為殿不必宮中也舉而不知其人數者次之不

槐野王維楨曰
班掾於霸傳中

為條教者在後叩頭謝丞相雖口不言而心欲其為之

詳次張敞一奏
亦借其言以發
明霸之吏治相
業擬屬虛名

臣士奇曰霸欲
潤飾太平傳會
瑞應敞獨斥為
詐僞理正大而
文刻深

也長吏守丞對時臣敞舍有鵲雀飛止丞相府屋上丞
相以下見者數百人邊吏多知鵲雀者問之皆陽不知
丞相圖議上奏曰臣問上計長吏守丞以興化條
一一而疏舉
之若木條然皇天報下神雀後知從臣敞舍來乃止郡
國吏竊笑丞相仁厚有知略微信奇怪也昔汲黯為淮
陽守辭去之官謂大行李息曰御史大夫張湯懷詐阿
意以傾朝廷公不早白與俱受戮矣息畏湯終不敢言
後湯誅敗上聞黯與息語乃抵息罪而秩黯諸侯相取

正學方孝孺曰
宣帝之素志以
為漢家自有制
度從事乎督責
苛刻之間而惡
間教化之說久
矣敝之言正與
帝意合故帝信
敝不疑而見霸
之非

其思竭忠也臣敝非敢毀丞相也誠恐羣臣莫白而長
吏守丞畏丞相指歸舍法令各為私教務相增加澆淳
散樸並行偽貌有名亡實傾搖解怠甚者為妖假令京
師先行讓畔異路道不拾遺其實亡益廉貪貞淫之行
而以偽先天下固未可也即諸侯先行之偽聲軼於京
師非細事也軼過也漢家承敝通變造起律令即以勸善
禁姦條貫詳備不可復加宜令貴臣明飭長吏守丞歸
告二千石舉三老孝弟力田孝廉廉吏務得其人郡事

敵能治盜而不純
用刑罰所以可取

皆以義法令檢式毋得擅為條教敢挾詐偽以奸名譽

者必先受戮

奸求也

以正明好惡

敵舍鴞雀飛集丞相府霸以為神雀議欲以聞

敵因奏霸天子嘉納敵言召上計吏使侍中臨飭如敵指意霸甚慚

自請治盜賊書

臣聞忠孝之道退家則盡心於親進宦則竭力於君夫
小國中君猶有奮不顧身之臣況於明天子乎今陛下
遊意於太平勞精於政事疊疊不舍晝夜羣臣有司宜
各竭力致身山陽郡戶九萬三千口五十萬以上訖計

永之表裏四以
忠孝自負亦見
其平生大志疏
請膠東不辭煩
劇賊真敢吏哉

盜賊未得者七十七人它課諸事亦略如此臣敞愚驚
既無以佐思慮久處閒郡身逸樂而忘國事非忠孝之
節也伏聞膠東勃海左右郡歲數不登盜賊並起至攻
官寺篡囚徒搜市朝劫列侯吏失綱紀姦宄不禁臣敞
不敢愛身避死唯明詔之所處願盡力摧挫其暴虐存
撫其孤弱事即有業所至郡條奏其所由廢及所以興
之狀有業言各得其所時勃海膠東盜賊並起敞上書
自請治之書奏天子徵敞拜膠東相賜黃金三十
斤辭之官自謂治劇郡非賞罰無以勸善懲惡吏
追捕有功效者願得一切比三輔尤異天子許之

遠稱三五良規近
述祖宗已事援古
証今深識體要

賈捐之

字君房賈誼之曾孫元帝初待詔金馬門
數召見言多納用時中書令石顯用事捐

之數短顯以故不
得官後坐法索市

請棄珠厓對

事詳罷珠
厓詔註

臣幸得遭明盛之朝蒙危言之策無忌諱之患敢昧死

竭卷卷

卷讀與
奉同

臣聞堯舜聖之盛也禹入聖域而不優

故孔子稱堯曰大哉韶曰盡善禹曰無間以三聖之德

地方不過數千里西被流沙東漸於海朔南暨聲教迄

於四海

此引禹
貢之辭

欲與聲教則治之不欲與者不彊治也

故君臣歌德含氣之物各得其宜武丁成王殷周之大
仁也然地東不過江黃西不過氐羌南不過蠻荆北不

過朔方是以頌聲竝作視聽之類咸樂其生越裳氏重

九譯而獻遠國使來因九譯言語乃通也此非兵革之所能致及其衰

也南征不還謂昭王也齊桓救其難謂襄王也初為太子而惠王欲立王子帶齊桓

公為首止之盟以定太子之位事在左傳僖五年孔子定其文孔子作春秋以至乎

秦興兵遠攻貪外虛內務欲廣地不慮其害然地南不

過閩越北不過太原而天下潰畔禍卒在於二世之末

槐野王雄楨曰
損之議論正大
明切千古不可
易此秦漢以下
之深病也

復言棄乎

君卿杜佑曰捐
之誼之孫高見
實類其祖

餘萬萬大司農錢盡迺以少府禁錢續之

少府錢主供
天子故曰禁

錢

夫一隅為不善費尚如此況於勞師遠攻亡士毋功
乎求之往古則不合施之當今又不便臣愚以為非冠
帶之國禹貢所及春秋所治皆可且無以為願遂棄珠
厓專用恤關東為憂

匡衡

字稚圭東海承人好學善說詩元帝時數上
疏陳便宜傳經義為丞相封樂安侯成帝初

免為
庶人

政治得失疏

時有地震日蝕之變元帝問政
事得失衡為博士給事中上疏

辭理醇正而字字警動

仲豫荀悅曰赦者權時之宜非常典也漢興承秦之敝比屋可刑故設三章之法大赦之令蕩滌穢流與民更始時勢然也後世承業艱而不革失時宜矣若孝景之時七國皆亂異心並起

臣聞五帝不同樂三王各異教民俗殊務所遇之時異也陛下躬聖德開太平之路閔愚吏民觸法抵禁比年大赦使百姓得改行自新天下幸甚臣竊見大赦之後姦邪不為衰止今日大赦明日犯法相隨入獄此殆導之未得其務也蓋保民者陳之以德義示之以好惡觀其失而制其宜故動之而和綏之而安今天下俗貪財賤義好聲色上侈靡上謂崇尚也廉恥之節薄淫辟之意縱網紀失序疏者踰內親戚之恩薄婚姻之黨隆苟合傲

武帝末年羣盜
並起人不自安
及光武撥亂之
後如此之比宜
為教矣

幸以身設利不改其原雖歲赦之刑猶難使錯而不用
也臣愚以為宜壹曠然大變其俗孔子曰能以禮讓為
國乎何有朝廷者天下之楨幹也公卿大夫相與循禮
恭讓則民不爭好仁樂施則下不暴上義高節則民興
行寬柔和惠則衆相愛四者明王之所以不嚴而成化
也何者朝有變色之言則下有爭鬪之患上有自專之
士則下有不讓之人上有克勝之佐則下有傷害之心
上有好利之臣則下有盜竊之民此其本也今俗吏之

治皆不本禮讓而上克暴或忤害好陷人於罪貪財而慕執故犯法者衆姦邪不止雖嚴刑峻法猶不為變此非其天性有由然也臣竊考國風之詩周南召南被賢

聖之化深故篤於行而廉於色鄭伯好勇而國人暴虎

詩鄭風太叔于田之篇秦穆貴信而士多從死秦穆公與羣臣

飲酒酒酣公曰生共此樂死共此哀於是奄息仲行鍼虎許諾及公覺皆從死黃鳥詩所為作也陳夫

人好巫而民淫祀胡公夫人武王之女大姬無子好祭鬼神鼓舞而祀故其詩云坎其擊鼓

宛丘之下無冬晉侯好儉而民畜聚唐風山有樞之詩序云刺晉昭公也

無夏值其驚羽

臣廷敬曰公卿
為庶民之表京
邑乃四方之則
論治既得要領
而文亦深厚闕
傳

其詩曰子有衣裳弗曳弗婁子有車馬弗馳弗驅其俗皆吝蓄而積財也

太王躬仁邠國貴

恕由此觀之治天下者審所上而已今之偽薄伎害不
讓極矣臣聞教化之流非家至而人說之也賢者在位
能者布職朝廷崇禮百僚敬讓道德之行由內及外自
近者始然後民知所法遷善日進而不自知是以百姓
安陰陽和神靈應而嘉祥見詩曰商邑翼翼四方之極
壽考且寧以保我後生

商頌殷武之詩

此成湯所以建至治保

子孫化異俗而懷鬼方也今長安天子之都親承聖化

然其習俗無以異於遠方郡國來者無所法則或見侈靡而放效之此教化之原本風俗之樞機宜先正者也臣聞天人之際精祲有以相盪善惡有以相推事作乎下者象動乎上陰陽之理各應其感陰變則靜者動陽蔽則明者晦水旱之災隨類而至今關東連年饑饉百姓乏困或至相食此皆生於賦斂多民所共者大

共讀曰供

而吏安集之不稱之效也陛下祇畏天戒哀閔元元大自減損省甘泉建章宮衛罷珠厓偃武行文將欲度唐

虞之隆絕殷周之衰也諸見罷珠厓詔書者莫不欣欣人自以將見太平也宜遂減宮室之度省靡麗之飾考制度修外內近忠正遠巧佞放鄭衛進雅頌舉異材開直言任溫良之人退刻薄之吏顯絮白之士昭無欲之路覽六藝之意察上世之務明自然之道博和睦之化以崇至仁匡失俗易民視令海內昭然咸見本朝之所貴道德弘於京師淑問揚乎疆外然後大化可成禮讓可興也

治性則強其所不足
正家則防之於未然
自是不刊之論

治性正家疏

時傅昭儀及子定陶王愛幸寵於皇后太子衡復上疏

臣聞治亂安危之機在乎審所用心蓋受命之王務在創業垂統傳之無窮繼體之君心存於承宣先王之德而褒大其功昔者成王之嗣位思述文武之道以養其心休烈盛美皆歸之二后而不敢專其名是以上天歆享鬼神祐焉其詩曰念我皇祖陟降廷止周頌閔予小子之詩言成王常思祖考之業而鬼神祐助其治也陛下聖德天覆子愛海內然陰陽未和姦邪未禁者殆論議者未丕

揚先帝之盛功爭言制度不可用也務變更之所更或
不可行而復復之是以羣下更相是非吏民無所信臣
竊恨國家釋樂成之業而虛為此紛紛也願陛下詳覽
統業之事留神於遵制揚功以定羣下之心大雅曰無
念爾祖聿修厥德大雅文王之詩孔子著之孝經首章蓋至德
之本也傳曰審好惡理情性而王道畢矣能盡其性然
後能盡人物之性能盡人物之性可以贊天地之化治
性之道必審已之所有餘而彊其所不足蓋聰明疏通

西山真德秀曰
此所謂性蓋指
氣象而言非天
命之性也

西山真德秀曰
此論甚善然
元帝之失正在
於溫良少斷若
於泛陳之後又
切言之則庶乎
其有益矣

者戒於大察寡聞少見者戒於雍蔽勇猛剛彊者戒於
大暴仁愛溫良者戒於無斷湛靜安舒者戒於後時廣
心浩大者戒於遺忘必審已之所當戒而齊之以義然
後中和之化應而巧偽之徒不敢比周而望進唯陛下
戒所以崇聖德臣又聞室家之道修則天下之理得故
詩始國風禮本冠婚始乎國風原情性而明人倫也本
乎冠婚正基兆而防未然也福之興莫不本乎室家道
之衰莫不始乎梱內

梱與閭同
謂門楹也

故聖王必慎妃后之祭

別適長之位禮之於內也卑不逾尊新不先故所以統
人情而理陰氣也其尊適而卑庶也適子冠乎阼禮之
用醴衆子不得與列所以貴正體而明嫌疑也非虛加
其禮文而已乃中心與之殊異故禮探其情而見之外
也聖人動靜游燕所親物得其序得其序則海內自修
百姓從化如當親者疏當尊者卑則佞巧之姦因時而
動以亂國家故聖人慎防其端禁於未然不以私恩害
公義陛下聖德純備莫不修正則天下無為而治詩云

于以四方克定厥家

周頌桓之詩

傳曰正家而天下定矣

易家

人卦之

象辭

戒妃匹勸經學疏

成帝初即位衛上疏戒妃匹勸經學威儀之則上敬納其

言

乾坤肇易理之原
闢睢開王化之始

疏中暢發此義洵

經術名言修齊要

道也

陛下乘至孝哀傷思慕不絕於心未有游虞弋射之宴

誠隆於慎終追遠無窮已也竊願陛下雖聖性得之猶

復加聖心焉詩云煢煢在疚

周頌閔子小子之詩

言成王喪畢思

慕意氣未能平也蓋所以就文武之業崇大化之本也

西山真德秀曰
按衡之奏對本
於經術故在漢
儒中議論最爲
近理可爲仲舒
之亞惜不能充
其所學故德行
事業皆無足觀

臣又聞之師曰匹配之際生民之始萬福之原婚姻之
禮正然後品物遂而天命全孔子論詩以關雎為始言
太上者民之父母后夫人之行不侔乎天地則無以奉
神靈之統而理萬物之宜故詩曰窈窕淑女君子好仇
月南關
雎之詩言能致其貞淑不貳其操情欲之感無介乎容
儀宴私之意不形乎動靜夫然後可以配至尊而為宗
廟主此綱紀之首王教之端也自上世已來三代興廢
未有不由此者也願陛下詳覽得失盛衰之效以定大

臣杜弼曰根據
理要無一泛語
如六經者聖人
所以統天地之
心尤漢儒所未
發

基采有德戒聲色近嚴敬遠技能竊見聖德純茂專精
詩書好樂無厭臣衡材駑無以輔相善義宣揚德音臣
聞六經者聖人所以統天地之心著善惡之歸明吉凶
之分通人道之正使不悖於其本性者也故審六藝之
指則天人之理可得而和草木昆蟲可得而育此永永
不易之道也及論語孝經聖人言行之要宜究其意臣
又聞聖王之自為動靜周旋奉天承親臨朝享臣物有
節文以章人倫蓋欽翼祇栗事天之容也溫恭敬遜承

親之禮也正躬嚴恪臨衆之儀也嘉惠和說饗下之顏也舉錯動作物遵其儀故形為仁義動為法則孔子曰德義可尊容止可觀進退可度以臨其民是以其民畏而愛之則而象之大雅云敬慎威儀惟民之則諸侯正月朝覲天子天子惟道德昭穆穆以視之入觀以禮樂饗醴迺歸故萬國莫不獲賜祉福蒙化而成俗今正月初幸路寢臨朝賀置酒以饗萬方傳曰君子慎始願陛下留神動靜之節使羣下得望盛德休光以立基楨

貢禹

字少翁琅邪人以明經累行著聞元帝初即位徵為諫議大夫數虛已問以政事書數十

上歷官御史大夫

循古節儉奏

特年歲不登郡國多困

國事違言違意而止若無意於文而一種矯拔處自不可及

水心葉適曰禹言文景武宣間事皆有根柢與王吉不同

古者宮室有制宮女不過九人秣馬不過八匹牆塗而不凋木摩而不刻車輿器物皆不文畫苑囿不過數十里與民共之任賢使能什一而稅亡它賦斂繇戍之役使民歲不過三日千里之內自給千里之外各置貢職而已故天下家給人足頌聲竝作至高祖孝文孝景皇

永之素翼曰貢
禹上元帝數十
言皆是崇節儉
之風不可謂非
君道之宜但說
佞專惟當時大
病乃為獨置之
不言豈徒石顯
之汲引歟君子
重始進良有以
也

帝循古節儉宮人不過十餘廐馬百餘匹孝文皇帝衣
綈履革器亡琬文金銀之飾後世爭為奢侈轉轉益甚
臣下亦相放效衣服履綉刀劒亂於主上綉古
袴字主上時
臨朝入廟衆人不能別異甚非其宜然非自知奢僭也
猶魯昭公曰吾何僭矣今大夫僭諸侯諸侯僭天子天
子過天道其日久矣承衰救亂矯復古化在於陛下臣
愚以為盡如太古難宜少放古以自節焉論語曰君子
樂節禮樂方今宮室已定亡可奈何矣其餘盡可減損

荆川唐順之曰
善教家辟事

故時齊三服官輸物不過十筭

三服官主作天子之服在齊地筭盛衣竹器○

筭先副反

方今齊三服官作工各數千人一歲費數鉅萬蜀

廣漢主金銀器歲各用五百萬三工官官費五十萬

三工

官謂少府屬官考工室也右工室也東園匠也

東西織室亦然廩馬食粟將萬

匹臣禹嘗從之東宮

東宮太后宮

見賜杯案盡文畫金銀飾

非當所以賜食臣下也東宮之費亦不可勝計天下之民所為大飢餓死者是也今民大飢而死又不葬為犬豬所食人至相食而廩馬食粟苦其大肥氣盛怒至

乃日步作之

日行步而動作之以散充溢之氣

王者受命於天為民父

母固當若此乎天不見邪武帝時又多取好女至數千人以填後宮及棄天下昭帝幼弱霍光專事不知禮正妄多藏金錢財物鳥獸魚鼈牛馬虎豹生禽凡百九十物盡瘞臧之又皆以後宮女置於園陵大失禮逆天心又未必稱武帝意也昭帝晏駕光復行之至孝宣皇帝時陛下惡有所言羣臣亦隨故事甚可痛也故使天下承化取女皆大過度諸侯妻妾或至數百人豪富吏民

畜歌者至數十人是以內多怨女外多曠夫及衆庶葬埋皆虛地上以實地下其過自上生皆在大臣循故事之臯也唯陛下深察古道從其儉者大減損乘輿服御器物三分去二子產多少有命審察後宮擇其賢者留二十人餘悉歸之及諸陵園女亡子者宜悉遣獨杜陵宮人數百誠可哀憐也廢馬可亡過數十匹獨舍長安城南苑地以為田獵之囿自城西南至山西至鄠皆復其田以與貧民方今天下飢饉可亡大自損減以救之

以布帛及穀為幣
法雖近古恐於民

稱天意乎天生聖人蓋為萬民非獨使自娛樂而已也

故詩曰天難諶斯不易惟王上帝臨女母貳爾心

大雅大明

之當仁不讓獨可以聖心參諸天地揆之往古不可與

臣下議也若其阿意順指隨君上下臣禹不勝拳拳不

敢不盡愚心

天子納善其忠下詔太僕減食穀馬水衡減食肉獸省宜春下苑以與貧民罷角抵

諸戲及齊

三服官

言錢幣書

古者不以金錢為幣專意於農故一夫不耕必有受其

飢者今漢家鑄錢及諸鐵官皆置吏卒徒攻山取銅鐵
一歲功十萬人已上中農食七人是七十萬人常受其
飢也鑿地數百丈銷陰氣之精地臧空虛不能含氣出
雲斬伐林木亡有時禁水旱之災未必不繇此也自五
銖錢起已來七十餘年民坐盜鑄錢被刑者衆富人積
錢滿室猶亡厭足民心動搖商賈求利東西南北各用
智巧好衣美食歲有十二之利而不出租稅農夫父子
暴露中野不避寒暑捫草杷土手足胼胝

捫拔取也杷
手拾之也胼

併也。胠，肱也。○胠才元反。杷，蒲巴反。胠步十反。胠，竹尸反。

已奉穀租又出橐稅

橐，禾得也。

鄉部私求不可勝供，故民棄本逐末，耕者不能半，貧民

雖賜之田，猶賤賣以賈。

賈，田與人而更為商賈之業。

窮則起為盜賊。

何者？末利深而惑於錢也。是以姦邪不可禁，其原皆起

於錢也。疾其末者，絕其本，宜罷採珠玉、金銀、鑄錢之官。

亡復以為幣，市井勿得販賣，除其租銖之律。

租稅之法皆依田畝。

不得雜計百物之銖兩。

租稅祿賜皆以布帛及穀，使百姓壹歸於

農，復古道便。

痛斥風俗之弊千載下讀之慨然

西山真德秀曰此蓋採其議論非專以文詞也

言風俗書

孝文皇帝時貴廉絜賤貪污賈人贅婿及吏坐臧者皆禁錮不得為吏賞善罰惡不阿親戚罪白者伏其誅疑者以與民

罪疑從輕也

亡贖罪之法故令行禁止海內大化

天下斷獄四百與刑錯亡異武帝始臨天下尊賢用士闢地廣境數千里自見功大威行遂從者欲

從讀曰縱

用度

不足乃行壹切之變使犯法者贖罪入穀者補吏是以天下奢侈官亂民貧盜賊竝起亡命者衆郡國恐伏其

臣鴻緒曰論風俗樂源朗若金鏡真有裨世道之言

誅則擇便巧史書習於計簿能欺上府者以為右職

上府

謂所屬之府右職高職也

姦軌不勝則取勇猛能操切百姓者以苛

暴威服下者使居大位故亡義而有財者顯於世欺謾而善書者尊於朝諄逆而勇猛者貴於官故俗皆曰何以孝弟為財多而光榮何以禮義為史書而仕宦何以謹慎為勇猛而臨官故黥劓而髡鉗者猶復攘臂為政於世行雖犬彘家富執足目指氣使是為賢耳故謂居官而置富者為雄桀處姦而得利者為壯士兄勸其弟

父勉其子俗之壞敗乃至於是察其所以然者皆以犯
法得贖罪求士不得真賢相守崇財利誅不行之所致
也今欲興至治致太平宜除贖罪之法相守選舉不以
實及有臧者輒行其誅亡但免官則爭盡力為善貴孝
弟賤賈人進真賢舉實廉而天下治矣孔子匹夫之人
耳以樂道正身不解之故曰解讀四海之內天下之君微
孔子之言亡所折中況乎以漢地之廣陛下之德處南
面之尊秉萬乘之權因天地之助其於變世易俗調和

陰陽陶冶萬物化正天下易於決流抑隊

決欲流之水
抑將隊之物

言其便易。
隊與墜同

自成康以來幾且千歲欲為治者甚衆然

而太平不復興者何也以其舍法度而任私意奢侈行
而仁義廢也陛下誠深念高祖之苦醇法太宗之治正
已以先下選賢以自輔開進忠正致誅姦臣遠放調佞
放出園陵之女罷倡樂絕鄭聲去甲乙之帳退偽薄之
物修節儉之化驅天下之民皆歸於農如此不解則三
王可侔五帝可及唯陛下留意省察天下幸甚

蕭望之

字長倩東海蘭陵人徙杜陵宣帝時為太子太傅受遺詔以前將軍輔政元帝初為

弘恭石顯所譖免尋賜爵關內侯給事中復下獄自殺

入穀贖罪議

時京兆尹張敞上書令諸有辜非盜受財殺人及犯法不得赦者皆

得以差入穀贖西以北安定以西八郡贖罪望之與少府李彊同上議

守經持正之言

民函陰陽之氣有仁義欲利之心在教化之所助堯在上不能去民欲利之心而能令其欲利不勝其好義也雖桀在上不能去民好義之心而能令其好義不勝其欲利也故堯桀之分在於義利而已道民不可不慎也

臣士奇曰張敬
辭甚俊辯然不
如望之議正

今欲令民量粟以贖罪如此則富者得生貧者獨死是
貧富異刑而法不壹也人情貧窮父兄因執聞出財得
以生活為人子弟者將不顧死亡之患敗亂之行以赴
財利求救親戚一人得生十人以喪如此伯夷之行壞
公綽之名滅公綽魯大夫孟公綽政教壹傾雖有周召之佐恐不
能復古者藏於民不足則取有餘則予詩曰爰及矜人
哀此鰥寡上惠下也又曰雨我公田遂及我私下急上
也今有西邊之役民失作業雖戶賦口斂以贍其困乏

車戶而賦計口而斂也

古之通義百姓莫以為非以死救生恐未

可也

子弟竭死以救父兄令其生也

陛下布德施教教化既成堯舜亡

以加也今議開利路以傷既成之化臣竊痛之

宣帝下其議難

問張敞敞持之堅望之彊復封曰天漢四年常使死罪人入五十萬錢減死罪一等豪彊吏民請奪假貸至為盜賊以贖罪其後羣盜並起至攻城邑殺郡守充滿山谷吏不能禁明詔遣繡衣使者興兵擊之誅者過半然後哀止愚以為此使死罪贖之敗也故曰不便上遂不施敞議

王褒

字子淵蜀人也以益州刺史薦令待詔擢為諫大夫

聖主得賢臣頌

褒為益州刺史王褒作中和樂職宣布詩褒因奏古褒有軼才

語既絢爛氣復深
渾自是斧藻潤色
之文

次崖林希元曰
聖主得賢臣世
道所由以泰也
聖賢論治莫先
於此此頌曲盡
其理格言美意

宣帝乃散策既
至詔為此頌

夫荷旃被毳者難與道純繇之麗密羹藜含糗者不足

與論太牢之滋味

藜野菜也糗麥飯也太牢牛也

今臣僻在西蜀生於

窮巷之中長於蓬茨之下無有游觀廣覽之知顧有至

愚極陋之累不足以塞厚望應明旨雖然敢不略陳愚

心而抒情愫記曰恭惟春秋法五始之要在乎審已正

統而已

元者氣之始春者四時之始王者受命之始正月者政教之始公即位者一國之始

夫賢

者國家之器用也所任賢則趨舍省而功施普器用利

不一而足宜經
生傳頌以為脣
矣

則用力少而就效衆故工人之用鈍器也勞筋苦骨終

日矻矻及至巧冶鑄干將之璞清水焠其鋒越砥斂其

鏐

璞劍未理者越砥磨石名也

水斷蛟龍陸剗犀革忽若篲汜畫塗

汜酒地也斬蛟斷犀若以箒掃地以刀畫泥言器之利也

如此則使離婁督繩公輸

削墨雖崇臺五層延袤百丈而不溷者工用相得也庸

人之御驚馬亦傷吻弊策而不進於行胸喘膚汗人極

馬倦及至駕齧膝駢乘旦

齧膝乘旦皆良馬名

王良執靶韓哀附

輿縱騁馳騫忽如景靡過都越國蹶如厯塊

蹶疾也

追奔

電逐遺風周流八極萬里一息何其遼哉人馬相得也
故服絺絺之涼者不苦盛暑之鬱燠襲狐貉之煖者不
憂至寒之悽愴何則有其具者易其備賢人君子亦聖
王之所以易海內也是以嘔喻受之

嘔喻喜
悅貌

開寬裕之

路以延天下之英俊也夫竭智附賢者必建仁策索人
求士者必樹伯迹昔周公躬吐握之勞故有囿空之隆

齊桓設庭燎之禮故有匡合之功

囿空所謂建仁策也
匡合所謂樹伯迹也

齊桓公設庭燎以
待士之欲造見者

由此觀之君人者勤於求賢而逸於

得人人臣亦然昔賢者之未遭遇也圖事揆策則君不用其謀陳見愀誠則上不然其信進仕不得施效斥逐又非其愆是故伊尹勤於鼎俎太公困於鼓刀百里自鬻甯子飯牛離此患也

離遭也

及其遇明君遭聖主也運

籌合上意諫諍則見聽進退得關其忠任職得行其術

去卑辱奧滌而升本朝離疏釋蹻而享膏粱

關猶用也奧幽也滌

狎也蹻以繩為屨也

剖符錫壤而光祖考傳之子孫以資說士故

世必有聖智之君而後有賢明之臣虎嘯而冽風龍興

臣執學曰萬事無不以感應而成惟君臣為尤顯焉中獨詳此

意至夫宏偉典
麗洵為有闢世
道之作

而致雲螭蟀俟秋吟蜉蝣出以陰易曰飛龍在天利見
大人詩曰思皇多士生此王國故世平主聖俊人將自
至若堯舜禹湯文武之君獲稷契皋陶伊尹呂望之臣
明明在朝穆穆布列聚精會神相得益章雖伯牙操遞
鐘逢門子彎烏號猶未足以喻其意也

遞鐘琴名也烏號黃帝弓名

故聖主必待賢臣而弘功業俊士亦俟明主以顯其德
上下俱欲懽然交欣千載一會論說無疑翼乎如鴻毛
遇順風沛乎如巨魚縱大壑其得意若此則胡禁不止

曷令不行化溢四表橫被無窮遐夷貢獻萬祥畢臻是以聖主不徧窺望而視已明不殫傾耳而聽已聰恩從祥風翺德與和氣游太平之貴塞優游之望得遵游自然之勢恬淡無為之場

遵法也言法自然之道也

休徵自至壽考無

疆雍容垂拱永永萬年何必偃仰詘信若彭祖煦噓呼吸如喬松眇然絕俗離世哉

時帝好神僊故褒對及之

詩曰濟濟多士文王以寧蓋信乎其以寧也

諸葛豐

字少李琅邪人元帝時為司隸校尉

豐有仗節死義之
志故言自仇直

謝上書

時侍中許章以外屬青幸賓客犯事與章相連豐案劾章欲奏其事適逢許侍

中私出豐駐車舉節詔章曰下欲收之章迫窘馳車去許侍中自歸上豐亦上奏於是收

豐節司隸去

節自豐始

臣豐駑怯文不足以勸善武不足以執邪陛下不量臣
能否拜為司隸校尉未有以自效復秩臣為光祿大夫
官尊責重非臣所當處也又迫年歲衰暮常恐卒填溝
渠無以報厚德使論議士譏臣無補長獲素餐之名故
常願捐一旦之命不待時而斷姦臣之首縣於都市編

書其罪使四方明知為惡之罰然後却就斧鉞之誅誠臣所甘心也夫以布衣之士尚猶有刎頸之交今以四海之大曾無仗節死誼之臣率盡苟合取容阿黨相為念私門之利忘國家之政邪穢濁溷之氣上感於天是以災變數見百姓困乏此臣下不忠之效也臣誠恥之亡已凡人情莫不欲安存而惡危亡然忠臣直士不避患害者誠為君也今陛下天覆地載物無不容使尚書令堯賜臣豐書曰夫司隸者刺舉不法善善惡惡非得

顓之也勉處中和順經術意恩深德厚臣豐頓首幸甚
臣竊不勝憤懣願賜清宴唯陛下裁幸



御選古文淵鑒卷十四

欽定四庫全書

集部

御選古文淵鑒卷十五

詳校官尚書臣德保

主事銜臣徐以坤覆勘

總校官進士臣朱鈐

校對官編修臣莊通敏

謄錄監生臣邱南林

欽定四庫全書

御選古文淵鑒卷十五目錄

漢

劉向

條災異封事

請封甘延壽陳湯疏

諫起昌陵疏

極諫外家封事

定禮樂疏

杜欽

訟馮奉世疏

翼奉

應直言封事

薛宣

申勅刺史疏

王尊

勅掾功曹教

劾匡衡張譚奏

公乘興

訟王尊書

劉輔

諫立趙婕妤疏

谷永

祭祀方術奏

訟陳湯疏

梅福

言王氏書

請封孔子世為殷後書

欽定四庫全書

御選古文淵鑒卷十五

內閣學士兼禮部侍郎教習庶吉士

臣徐乾學

等奉

旨編注

漢

劉向

字子政本名更生楚元王交之曾孫元帝初為散騎宗正給事中與蕭望之周堪金敞同

輔政為外戚許史中書宦官弘恭石顯所譖下獄免官成帝即位復選用數奏封事為中壘校

尉

條災異封事

辨而裁雅而瞻淵
然經術之氣不徒
以佩正見長

臣前幸得以骨肉備九卿奉法不謹乃復蒙恩竊見災
異並起天地失常徵表為國

徵證也

欲終不言念忠臣雖

在眚畝猶不忘君惓惓之義也況重以骨肉之親又加
以舊恩未報乎欲竭愚誠又恐越職然惟二恩未報忠
臣之義一抒愚意退就農畝死無所恨臣聞舜命九官
濟濟相讓和之至也衆賢和於朝則萬物和於野故蕭
韶九成而鳳皇來儀擊石拊石百獸率舞四海之內靡

西山真德秀曰
自竊見以下凡
七八轉忠誠惻
怛之意踴然見
於言外非積於
中者厚不能及
也

不和寧及至周文開基西郊雜遯衆賢罔不肅和

雜遯
聚積

之貌。○遯
大合反

崇推讓之風以銷分爭之訟文王既没周公

思慕歌詠文王之德其詩曰於穆清廟肅雍顯相濟濟

多士秉文之德

周頌祀文王
清廟之詩

當此之時武王周公繼政

朝臣和於內萬國驩於外故盡得其驩心以事其先祖

其詩曰有來雍雍至止肅肅相維辟公天子穆穆

周頌
禘太

祖之
雖詩

言四方皆以和來也諸侯和於下天應報於上故

周頌曰降福穰穰

此執競之篇
祀武王之詩

又曰飴我釐麴

此思文
之篇以

后稷配天之詩

釐粢麥也始自天降此皆以和致和獲天助也

下至幽厲之際朝廷不和轉相非怨詩人疾而憂之曰

民之無良相怨一方

此小雅角弓之篇刺幽王之詩

衆小在位而從邪

議歛歛相是而背君子故其詩曰歛歛訛訛亦孔之哀

謀之其臧則具是違謀之不臧則具是依

此小雅小旻之篇刺幽王

之君子獨處守正不撓衆枉勉強以從王事則反見憎

毒讒愬故其詩曰密勿從事不敢告勞無罪無辜讒口

替替

此小雅十月之交篇刺幽王之詩密勿猶龜勉也詩作龜勉

當是之時日月薄

西山真德秀曰
和字乃一篇綱
紀

荆川唐順之曰
引詩書者當法
此體
臣熙曰篇中多
引經語不無冗
雜首尾相生反

蝕而無光其詩曰朔日辛卯日有蝕之亦孔之醜

自此以下

至百川沸騰皆
十月之交詩

又曰彼月而微此日而微今此下民亦

孔之哀又曰日月鞠凶不用其行四國無政不用其良

天變見於上地變動於下水泉沸騰山谷易處其詩曰

百川沸騰山冢卒崩高岸為谷深谷為陵哀今之人胡

憚莫懲霜降失節不以其時其詩曰正月繁霜我心憂

傷民之訛言亦孔之將言民以是為非甚衆大也

此小雅正

月之篇刺
幽王之詩

此皆不和賢不肖易位之所致也自此之後

覆照應輝渾博
大猶有先秦之
遺

西山真德秀曰
叙次有法故不
覺其冗

天下大亂篡殺殃禍並作厲王奔彘幽王見殺至乎平
王末年魯隱之始即位也周大夫祭伯乖離不和出奔
於魯而春秋為諱不言來奔傷其禍殃自此始也是後
尹氏世卿而專恣諸侯背畔而不朝周室卑微二百四
十二年之間謂從隱公元年至哀公十四年獲麟也日食三十六地震五
山陵崩池二池下頽也彗星三見夜常星不見夜中星
隕如雨一火災十四長狄入三國五石隕墜六鵠退飛
多麋有蜮蜚鸛鵒來巢者皆一見晝冥晦雨木冰李梅

冬實七月霜降草木不死八月殺菽大雨雹雨雪霑霰

失序相乘水旱饑螽蟊螟蝻午並起

螽午猶
榛沓也

當是時禍

亂輒應弑君三十六亡國五十二諸侯奔走不得保其

社稷者不可勝數也周室多禍晉敗其師於貿戎

貿戎
地名

也春秋公羊經成元年秋王師敗績於貿戎傳曰孰敗之蓋晉敗之也○貿莫侯反

伐其郊鄭傷

桓王戎執其使

隱七年冬經書天王使凡伯來聘戎伐凡伯於楚丘以歸

衛侯朔召

不往齊逆命而助朔五大夫爭權三君更立莫能正理

周景王崩單穆公劉文公鞏簡公甘平公召莊公此五大夫相與爭奪更立王子猛子朝及敬王是為三君也

迂齋樓昉曰鋪叙有倫首尾相

應味其書詞方知其忠愛懇惻之意與他人不同

遂至陵夷不能復興由此觀之和氣致祥乖氣致異祥多者其國安異衆者其國危天地之常經古今之通義也今陛下開三代之業招文學之士優游寬容使得並

進今賢不肖渾轂白黑不分邪正雜糅忠讒並進

糅和也。

汝救反

章交公車人滿北軍

漢儀注中壘校尉主北軍壘門內尉一人主上書者獄上

章於公車有不如法者以付北軍尉以法治之

朝臣舛午

午五故反

膠戾乖刺更相

讒愬轉相是非傳授增加文書紛糾前後錯繆毀譽渾亂所以營惑耳目感移心意不可勝載分曹為黨往往

羣朋將同心以陷正臣正臣進者治之表也正臣陷者
亂之機也乘治亂之機未知孰任而災異數見此臣所
以寒心者也夫乘權藉勢之人子弟鱗集於朝羽翼陰
附者衆輻輳於前毀譽將必用以終乖離之咎是以日
月無光雪霜夏隕海水沸出陵谷易處列星失行皆怨
氣之所致也夫遵衰周之軌迹循詩人之所刺而欲以
成太平致雅頌猶卻行而求及前人也初元以來六年
矣案春秋六年之中災異未有稠如今者也夫有春秋

臣正治曰子政
精於五行其條
災異博而有徵
非湛深經術者
不能

之異無孔子之救猶不能解紛況甚於春秋乎原其所
以然者讒邪並進也讒邪之所以並進者由上多疑心
既已用賢人而行善政如或譖之則賢人退而善政還
還謂收還也夫執狐疑之心者來讒賊之口持不斷之意者

開羣枉之門讒邪進則衆賢退羣枉盛則正士消故易
有否泰小人道長君子道消君子道消則政日亂故為
否否者閉而亂也君子道長小人道消小人道消則政
日治故為泰泰者通而治也詩又云雨雪麋麋見覯聿

消

此小雅角弓篇刺幽王好讒佞之詩

與易同義昔者鯀共工驩兜與舜

禹雜處堯朝周公與管蔡並居周位當是時迭進相毀

流言相謗豈可勝道哉帝堯成王能賢舜禹周公而消

共工管蔡故以大治榮華至今孔子與季孟偕仕於魯

李斯與叔孫俱宦於秦定公始皇賢季孟李斯而消孔

子叔孫故以大亂污辱至今故治亂榮辱之端在所信

任信任既賢在於堅固而不移詩云我心匪石不可轉

也

邶風栢舟之詩

言守善篤也易曰渙汗其大號

此易渙卦九五爻辭

言

號令如汗汗出而不反者也今出善令未能踰時而反是反汗也用賢未能三旬而退是轉石也論語曰見不善如探湯今二府奏佞調不當在位歷年而不去

二府丞相

御史也

故出令則如反汗用賢則如轉石去佞則如拔山

如此望陰陽之調不亦難乎是以羣小窺見間隙緣飾文字巧言醜詆流言飛文譁於民間故詩云憂心悄悄慍於羣小

此卽柘舟言仁而不遇之詩

小人成羣誠足慍也昔孔子

與顏淵子貢更相稱譽不為朋黨禹稷與臯陶傳相汲

臣德宜曰用人
行政是禳災祈

引不為比周何則忠於為國無邪心也故賢人在上位

則引其類而聚之於朝易曰飛龍在天大人聚也

此乾卦九

五象

在下位則思與其類俱進易曰拔茅茹以其彙征

吉

此泰卦初九爻辭

在上則引其類在下則推其類故湯用伊

尹不仁者遠而衆賢至類相致也今佞邪與賢臣並交

戰之內

交戰謂宿衛者

合黨共謀違善依惡歛歛訛訛數設危

險之言欲以傾移主上如忽然用之此天地之所以先

戒災異之所以重至者也自古明聖未有無誅而治者

福之本此全在
人事發論其言
皆根本六經視
京房翼奉諸家
專言機祥者迥
別

也故舜有四放之罰而孔子有兩觀之誅然後聖化可
得而行也今以陛下明知誠深思天地之心迹察兩觀
之誅覽否泰之卦觀雨雪之詩歷周唐之所進以為法
原秦魯之所消以為戒考祥應之福省災異之禍以揆
當世之變放遠佞邪之黨壞散險詖之聚杜閉羣枉之
門廣開衆正之路決斷狐疑分別猶豫使是非炳然可
知則百異消滅而衆祥並至太平之基萬世之利也臣
幸得託肺附

肺附謂肝肺相附
著猶言心膂也

誠見陰陽不調不敢不

延壽湯雖有矯制之罪而其功自不可泯中間比較功罪處明矣動人

通所聞竊推春秋災異以效今事一二條其所以不宜

宣泄臣謹重封昧死上

時蕭望之自殺天下甚悼恨之周堪與弟子張猛俱進用大見

信任恭顯數譖毀焉向懼其傾危乃上封事諫恭顯見其書愈與許史比而怨向等

請封甘延壽陳湯疏

延壽湯出西域發兵誅鄯支單于石顯匡衡以為矯

制不宜加爵土議久不決向上疏

鄯支單于囚殺使者吏士以百數事暴揚外國傷威毀重羣臣皆閔焉陛下赫然欲誅之意未嘗有忘西域都護延壽副校尉湯承聖指倚神靈總百蠻之君檻城郭

容齊洪邁曰為
文論事當反覆

之兵

撫總持之也

出百死入絕域遂蹈康居屠五重城塞歛

致志救首救尾
則事辭章著覽

侯之旗

宋拔也音騫

斬郅支之首縣旌萬里之外揚威昆山

者可以立決別
向上疏首言周

之西掃谷吉之恥

元帝初元中衛司馬谷吉送郅支侍子至其庭被殺

立昭明之

方叔言肅誅獫狁
狄次言齊桓公

功萬夷懾伏莫不懼震呼韓邪單于見郅支已誅且喜

有滅項之罪尼
子不以功覆過

且懼鄉風馳義稽首來賓願守北藩累世稱臣立千載

李廣利靡億萬
之費捐五萬之

之功建萬世之安羣臣之勲莫大焉昔周大夫方叔吉

師僅復宛王之
首孝武不錄其

甫為宣王誅獫狁而百蠻從其詩曰嘽嘽焞焞如霆如

過封為列侯然
後極言今康居

雷顯允方叔征伐獫狁蠻荆來威

小雅采芑之詩

易曰有嘉折

國強於大宛云
云一疏抑揚悞
証明白如此故
以衡顯出力沮
害竟不能奪不
然衡顯之議豈
匪區一故九卿
所能亢哉

首獲匪其醜

離上九
爻辭

言美誅首惡之人而諸不順者皆

來從也今延壽湯所誅震雖易之折首詩之雷霆不能
及也論大功者不錄小過舉大美者不疵細瑕司馬法
曰軍賞不踰月欲民速得為善之利也蓋急武功重用
人也吉甫之歸周厚賜之其詩曰吉甫宴喜既多受祉
來歸自鎬我行永久小雅六月之篇千里之鎬猶以為遠況萬
里之外其勤至矣延壽湯既未獲受祉之報反屈捐命
之功久挫於刀筆之前非所以勸有功厲戎士也昔齊

臣足敬曰自惠
文而復創待場
爵爵實為多已
非漢高之約矣
而延壽湯獨以
矯創見誦安可
無此謠言也

桓公前有尊周之功

謂伐楚責苞茅及會王太子於首止

後有滅項之罪

項國名春秋僖十七年夏滅項公羊傳曰齊滅之也不吉齊為桓公諱也桓常有繼絕存亡之功故君子為之諱

君子以功覆過而為之諱行事貳師將軍李廣利捐

五萬之師靡億萬之費經四年之勞

靡音康

而僅獲駿馬

三十四雖斬宛王母鼓之首

西域傳作母寡而此云母鼓鼓寡聲相近

猶不

足以復費其私罪惡甚多孝武以為萬里征伐不錄其

過遂封拜兩侯三卿二千石百有餘人今康居國彊於

大宛郅支之號重於宛王殺使者罪甚於留馬而延壽

湯不煩漢士不費斗糧比於貳師功德百之且常惠隨

欲擊之烏孫

宣帝初常惠以校尉護烏孫兵擊匈奴封長羅侯

鄭吉迎自來之

日逐

鄭吉迎日逐王詣京師封安遠侯

猶皆裂土受爵故言威武勤勞

則大於方叔吉甫列功覆過則優於齊桓貳師近事之

功則高於安遠長羅而大功未著小惡數布臣竊痛之

宜以時解縣通籍

縣罪未竟也通籍不禁止令得出入也

除過勿治尊寵

爵位以勸有功

於是天子下詔公卿議封焉

諫起昌陵疏

成帝營起昌陵數年不成復還歸延陵制度泰奢向上疏諫

既博稱賢聖又指
切亡秦益見始皇
之昏暴厚其之非
宜可為後世國後
奢侈之大戒矣

臣聞易曰安不忘危存不忘亡是以身安而國家可保

也

下繫辭

故賢聖之君博觀終始窮極事情而是非分明

王者必通三統

天地人之始也

明天命所授者博非獨一姓也

孔子論詩至於殷士膚敏裸將于京

大雅大王之篇

喟然歎曰

大哉天命善不可不傳於子孫是以富貴無常不如是

則王公其何以戒慎民萌何以勸勉

萌與吐同無知之說

蓋傷微

子之事周而痛殷之亡也雖有堯舜之聖不能化丹朱

之子雖有禹湯之德不能訓末孫之桀紂自古及今未

臣乾學曰蔡種
取諸大過歸厚
之義應如是爾
然欲計長久則

有不亡之國也昔高皇帝既滅秦將都雒陽感寤劉敬

之言自以德不及周而賢於秦遂徙都關中依周之德

因秦之阻世之長短以德為效故常戰栗不敢諱亡孔

子所謂富貴無常蓋謂此也孝文皇帝居霸陵北臨廁

廁側近水也

意悽愴悲懷顧謂羣臣曰嗟乎以北山石為椁

用紵絮斲陳漆其間

斲斬也陳施也斲絮以漆著其間也○紵張呂反斲側畧反

豈

可動哉張釋之進曰使其中有可欲雖錮南山猶有隙

使其中無可欲雖無石椁又何感焉夫死者無終極而

莫若令其無可
欲慮之周所以
為孝之至也

東發黃寒曰山
陵事可為萬世
戒

國家有廢興故釋之之言為無窮計也孝文寤焉遂薄
葬不起山墳易曰古之葬者厚衣之以薪臧之中野不
封不樹後世聖人易之以棺槨棺槨之作自黃帝始黃帝葬
於橋山堯葬濟陰丘壠皆小葬具甚微舜葬蒼梧二妃
不從禹葬會稽不改其列

不改樹木百
物之列也

殷湯無葬處

謂不

見傳
記也

文武周公葬於畢秦穆公葬於雍橐泉宮祈年館

下榑里子葬於武庫皆無丘壠之處此聖帝明王賢君
智士遠覽獨慮無窮之計也其賢臣孝子亦承命順意

次崖林希元曰
諫厚其首言國
家無常之理意
易世之後終不
能保以見其無
益此用意深遠
與中言古今聖
帝明王賢臣智
士薄葬之得以
為勸末言吳泰

而薄葬之此誠奉安君父忠孝之至也夫周公武王弟
也葬兄甚微孔子葬母於防稱古墓而不墳曰丘東西
南北之人也不可識也為四尺墳遇雨而崩弟子修
之以告孔子孔子流涕曰吾聞之古者不修墓蓋非之
也延陵季子適齊而反其子死葬於贏博之間二穿不
及泉斂以時服封墳掩坎其高可隱隱蔽之財可見而已而號曰
骨肉歸復於土命也魂氣則無不之也夫贏博去吳千
有餘里季子不歸葬孔子往觀曰延陵季子於禮合矣

縣主暴君厚葬之害以為戒其必旁喻遠引不為簡捷直致所以感乎人主使浸注滋潤入其言而不覺也可謂善於立言善於告君矣人臣進言於君當以為法

故仲尼孝子而延陵慈父舜禹忠臣周公弟弟其葬君親骨肉皆微薄矣非苟為儉誠便於體也宋桓司馬為石槨仲尼曰不如速朽秦相呂不韋集知畧之士而造春秋亦言薄葬之義皆明於事情者也逮至吳王闔閭違禮厚葬十有餘年越人發之及秦惠文武昭嚴襄五王皆大作丘隴多其瘞藏咸盡發掘暴露甚足悲也秦始皇帝葬於驪山之阿下錮三泉上崇山墳其高五十餘丈周回五里有餘石槨為游館人膏為燈燭水銀為

江海黃金為鳬鴈珍寶之藏機械之變棺槨之麗宮館之盛不可勝原又多殺宮人生葬工匠計以萬數天下苦其役而反之驪山之作未成而周章百萬之師至其下矣

周章陳勝之將

項籍燔其宮室營宇往者咸見發掘其後

牧兒亡羊羊入其鑿

鑿謂所穿家藏者○在到反

牧者持火照求羊

失火燒其藏槨自古至今葬未有盛如始皇者也數年之間外被項籍之災內離牧豎之禍豈不哀哉是故德彌厚者葬彌薄知愈深者葬愈微無德寡知其葬愈厚

丘壠彌高宮廟甚麗發掘必速由是觀之明暗之效葬之吉凶昭然可見矣周德既衰而奢侈宣王賢而中興更為儉宮室小寢廟詩人美之斯干之詩是也

小雅篇名美宣

王考室

上章道宮室之如制下章言子孫之衆多也及魯

嚴公

即莊公也

刻飾宗廟多築臺囿後嗣再絕春秋刺焉周

宣如彼而昌魯秦如此而絕是則奢儉之得失也陛下即位躬親節儉始營初陵其制約小天下莫不稱賢明及徙昌陵增埤為高

埤下也音埤

積土為山發民墳墓積以

臣士奇曰向深於經術疎厚莖

首言天命之無
常勸王公之戒
慎復來論此者
非不多而向醜
猶深遠矣

萬數營起邑居期日迫卒功費大萬百餘

大萬億也
大巨也

死

者恨於下生者愁於上怨氣感動陰陽因之以饑饉物
故流離以十萬數臣甚惛焉以死者為有知發人之墓
其害多矣若其無知又安用大謀之賢知則不說以示
衆庶則苦之若苟以說愚夫淫侈之人又何為哉陛下
慈仁篤美甚厚聰明疏達蓋世宜弘漢家之德崇劉氏
之美光昭五帝三王而顧與暴秦亂君競為奢侈比方丘
壝說愚夫之目隆一時之觀違賢知之心亡萬世之安

雖引古事而言
理則漸臺解纒故
爾卓犖不磨

臣竊為陛下羞之唯陛下上覽明聖黃帝堯舜禹湯文

武周公仲尼之制下觀賢知穆公延陵嚮里張釋之之

意孝文皇帝去墳薄葬以儉安神可以為則秦昭始皇

增山厚藏以侈生害足以為戒初陵之撫撫與模同宜從公

卿大臣之議以息衆庶

疏上成帝甚感向言而不從其計

極諫外家封事

時上無繼嗣政由王氏出災異浸甚向上封事極諫

臣聞人君莫不欲安然而常危莫不欲存然而常亡失

御臣之術也夫大臣操權柄持國政未有不為害者也

昔晉有六卿

智伯范中行韓魏趙也

齊有田崔衛有孫甯魯有李

孟常掌國事世執朝柄終後田氏取齊六卿分晉崔杼

弑其君光孫林父甯殖出其君衍弑其君剽李氏八佾

舞於庭三家者以雍徹並專國政卒逐昭公周大夫尹

氏筦朝事

筦與管同

濁亂王室子朝子猛更立連年乃定故

經曰王室亂又曰尹氏殺王子克甚之也春秋舉成敗

錄禍福如此類甚衆皆陰盛而陽微下失臣道之所致

也故書曰臣之有作威作福害于而家凶于而國

周書洪範

荆川唐順之曰
此等文字為志
誠第一

也 孔子曰祿去公室政逮大夫危亡之兆秦昭王舅穰

侯及涇陽葉陽君

皆昭王母之弟也穰侯魏冉也涇陽葉陽皆其弟○葉式涉反

專國

擅執上假太后之威三人者權重於昭王家富於秦國

國甚危殆賴寤范雎之言而秦復存二世委任趙高專

權自恣壅蔽大臣終有閭樂望夷之禍秦遂以亡近事

不遠即漢所代也漢興諸呂無道擅相尊王呂產呂祿

席太后之寵據將相之位兼南北軍之衆擁梁趙王之

尊騎盈無厭欲危劉氏賴忠正大臣絳侯朱虛侯等竭

次崖林希元曰
此與前第一疏
所言意同然前
篇尚隱而未露
至此則盡露矣
其言憤激切當
讀之可為酸鼻

誠盡節以誅滅之然後劉氏復安今王氏一姓乘朱輪華

轂者二十三人青紫貂蟬充盈幄內魚鱗左右

言在帝之左右

相次若魚鱗也

大將軍秉事用權五侯驕奢僭盛並作威福擊

斷自恣行汙而寄治身私而託公依東宮之尊假甥舅

之親以為威重

東宮太后所居也

尚書九卿州牧郡守皆出其

門筦執樞機朋黨比周稱譽者登進忤恨者誅傷游談

者助之說執政者為之言排擯宗室孤弱公族其有智

能者尤非毀而不進遠絕宗室之任不令得給事朝省

臣鴻緒曰向巢
王氏代漢言言
符驗使帝能從
之安有新室之
難

恐其與已分權數稱燕王蓋主以疑上心

示宗室親近而反逆也

避諱呂霍而弗肯稱

呂后霍后二家皆坐僭誅滅故為王氏諱而不言也

內有

筦蔡之萌外假周公之論兄弟據重宗室磐互

磐結而交互也

厯上古至秦漢外戚僭貴未有如王氏者也雖周皇甫

秦穰侯漢武安呂霍上官之屬皆不及也

皇甫周卿士字也事見小

雅十月之交篇武安侯田蚡也

物盛必有非常之變先見為其人徵象

孝昭帝時冠石立於泰山

冠山之下有石自立三石為足一石在上故曰冠石也

什柳起於上林

其樹已死僵什於地而更起生

而孝宣帝即位令王氏

臣英曰呂氏強則劉章作耕田歌王氏強則劉向上外家封事何漢宗室之多忠賢也劉章能制諸呂則以衆正在列劉向僅託諸空言則以孤忠無偶耳

先祖墳墓在濟南者其梓柱生枝葉扶疏上出屋根垂地中雖立石起柳無以過此之明也事執不兩大王氏與劉氏亦且不並立如下有泰山之安則上有累卵之危陛下為人子孫守持宗廟而令國祚移於外親降為阜隸縱不為身奈宗廟何婦人內夫家外父母家此亦非皇太后之福也孝宣皇帝不與舅平昌樂昌侯權平昌侯王無故樂所以全安之也夫明者起福於無形銷患昌侯王武於未然宜發明詔吐德音援近宗室親而納信黜遠外

戚母授以政皆罷令就第以則效先帝之所行厚安外戚全其宗族誠東宮之意外家之福也王氏永存保其爵祿劉氏長安不失社稷所以褒睦外內之姓子子孫孫無疆之計也如不行此策田氏復見於今六卿必起於漢為後嗣憂昭昭甚明不可不深圖不可不早慮易曰君不密則失臣臣不密則失身幾事不密則害成

繫上

之辭也

唯陛下深留聖思審固幾密覽往事之戒以折中

取信居萬安之實用保宗廟久承皇太后天下幸甚

書奏

當武帝時所急誠
不在此然論目不
可易

天子召見向歆息悲傷其意謂曰君
且休矣吾將思之以向為中壘校尉

定禮樂疏

武帝時歆為郎於水濱得古磬十六
枚議者以為善祥劉向因是說上

宜興辟雍設庠序陳禮樂隆雅頌之聲盛揖讓之容以
風化天下如此而不治者未之有也或曰不能具禮禮
以養人為本如有過差是過而養人也刑罰之過或至
死傷今之刑非皋陶之法也而有司請定法削則削筆
則筆救時務也至於禮樂則曰不敢是敢於殺人不敢
於養人也為其俎豆箎弦之間小不備因是絕而不為

致堂胡寅曰向之論美矣而未備其本也孔子曰人而不仁如禮樂何不仁之人心非已有視聽舉廢皆違其當而何以禮樂為哉惟仁所行皆禮而所安皆樂是則禮樂之本也庠序胥客特其具爾無其本而欲以其具教人祇益趣之於虛偽之域耳

是去小不備而就大不備大不備或莫甚焉夫教化之比於刑法刑法輕是舍所重而急所輕也且教化所恃以為治也刑法所以助治也今廢所恃而獨立其所助非所以致太平也自京師有諄逆不順之子孫至於陷大辟受刑戮者不絕繇不習五常之道也夫承千歲之衰周繼暴秦之餘敝民漸漬惡俗貪饕險詖不閑義理不示以大化而獨毆以刑罰終已不改故曰導之以禮樂而民和睦初叔孫通將制定禮儀見非於齊魯之士

然卒為漢儒宗業垂後嗣斯成法也

杜欽

字子夏南陽杜衍人好經書與茂陵杜鄴同姓字欽為大將軍軍武庫令

訟馮奉世疏

奉世以衛侯使持節送大宛諸國客以便宜發諸國兵討殺莎車王

威振西域不得封死後二年甘延壽以誅鄴支單于封為列侯於是欽上疏追訟奉世前功

大指與劉向訟甘延壽疏同體製亦畧相似

前莎車王殺漢使者約諸國背畔左將軍奉世以衛侯

便宜發兵誅莎車王策定城郭功施邊境

城郭者謂西域諸國為城

郭而居者議者以奉世奉使有指春秋之義亡遂事漢家之

法有矯制故不得侯今匈奴郅支單于殺漢使者亡保
康居都護延壽發城郭兵屯田吏士四萬餘人以誅斬
之封為列侯臣愚以為比罪則郅支薄量敵則莎車衆
用師則奉世寡計勝則奉世為功於邊竟安慮敗則延
壽為禍於國家深其違命而擅生事同延壽割地封而
奉世獨不錄臣聞功同賞異則勞臣疑罪鈞刑殊則百
姓惑疑生無常惑生不知所從亡常則節趨不立

趨謂
意所

矯

不知所從則百姓無所措手足奉世圖難忘死信命

殊俗

國難除國難除

威功白著為世使表

白著謂顯明也表猶首

獨抑

厭而不揚非聖主所以塞疑厲節之意也願下有司議

元帝以先帝

時事不復錄

翼奉

字少君東海下邳人治齊詩好律歷陰陽之占元帝時徵待詔後為諫大夫

應直言封事

時地震故天下舉直言極諫之士奉奏封事

引經徵事權微不

臣聞之於師曰天地設位懸日月布星辰分陰陽定四

時列五行以視聖人名之曰道聖人見道然後知王治

之象故畫州土建君臣立律歷陳成敗以視賢者名之

曰經賢者見經然後知人道之務則詩書易春秋禮樂

是也易有陰陽詩有五際

詩內傳曰五際卯酉午戌亥也陰陽終始際會之歲於此

則有變改之政也

春秋有災異皆列終始推得失考天心以言

王道之安危至秦乃不說傷之以法是以大道不通至

於滅亡今陛下明聖深懷要道燭臨萬方布德流惠靡

有闕遺罷省不急之用振救困貧賦醫藥賜棺錢恩澤

甚厚又舉直言求過失盛德純備天下幸甚臣奉竊學

齊詩聞五際之要十月之交篇

小雅篇名也

知日蝕地震之

次盧林希元曰災異之說專啓王氏及後宮過制切中膏肓始可為忠臣其視谷永媚王氏專

攻同姓及君身
相去遠矣

槐野王維楨曰
人氣內逆則感
動天地此正天
人交通之理奉

效昭然可明猶巢居知風穴處知雨亦不足多適所習
耳臣聞人氣內逆則感動天地天變見於星氣日蝕地
變見於奇物震動所以然者陽用其精陰用其形猶人
之有五藏六體五藏象天六體象地故藏病則氣色發
於面體病則欠申動於貌今年太陰建於甲戌律以庚
寅初用事厯以甲午從春太陰在甲戌則太歲在子十一月庚寅日黃鍾律初起用
事也厯中甲庚律得參陽性中仁義情得公正貞廉甲庚皆三
陽甲在東方為仁庚在西方
為義戌為公正寅午為廉貞
百年之精歲也正以精歲

所獨見者也

臣杜納曰切實
指陳皆中情事

本以王位

也春

日臨終時接律而地大震其後連月久陰

雖有大令猶不能復

大令謂虛舍廩開府庫之屬也復補也

陰氣盛矣古

者朝廷必有同姓以明親親必有異姓以明賢賢此聖王之所以大通天下也同姓親而易進異姓疏而難通故同姓一異姓五廼為平均今左右亡同姓獨以舅后之家為親異姓之臣又疏二后之黨滿朝非特處位執尤奢僭過度呂霍上官足以卜之甚非愛人之道又非後嗣之長策也陰氣之盛不亦宜乎臣又聞未央建章

視谷永杜鄴諸
書便有忠佞之
別

甘泉宮才人各以百數皆不得天性若杜陵園其已御
見者臣子不敢有言雖然太皇太后之事也及諸侯王
園與其後宮宜為設負出其過制者此損陰氣應天救
邪之道也今異至不應災將隨之其法大水極陰生陽
反為大旱甚則有火災春秋宋伯姬是矣

伯姬魯成公
女宋恭公夫

人
唯陛下財察

明年夏四月乙未
孝武園白鶴館災

薛宣

字贛君東海郯人成帝
時為丞相封高陽侯

申勅刺史疏

時成帝初即位宣為中丞
執法殿中

刺史外吏之表率
也宜言於是乎得
要領矣

陛下至德仁厚哀閔元元躬有日仄之勞而亡佚豫之
樂允執聖道刑罰惟中然而嘉氣尚凝陰陽不和是臣
下未稱而聖化獨有不洽者也臣竊伏思其一端殆吏

多苛政政教煩碎大率咎在部刺史或不循守條職

刺史

所察本有六條今則踰越故
事信意舉劾妄為苛刻也

舉錯各以其意多與郡縣

事至開私門聽讒佞以求吏民過失譴呵及細微責義

不量力

言求備
於人

郡縣相迫促亦內相刻流則衆庶是故

鄉黨闕於嘉賓之歡九族忘其親親之恩飲食周急之

厚彌衰送往勞來之禮不行夫人道不通則陰陽否隔

和氣不興未必不由此也詩云民之失德乾餱以愆

雅小

伐木之詩鄙語曰苛政不親煩苦傷恩方刺史奏事時宜明

申勅使昭然知本朝之要務臣愚不知治道唯明主察焉

王尊

字子贛涿郡高陽人官終東郡太守

敕掾功曹教

尊為安定太守出教告屬縣又出教敕掾功曹

掾功曹各自底厲助太守為治其不中用趣自避退毋

星 鷹鷂之志見乎行

荆川唐順之曰
大率尊剛勁侃
毅人於此可見

久妨賢夫羽翮不修則不可以致千里闌內不理無以
整外○闌門板也府丞悉署吏行能分別白之賢為上毋
以富賈人百萬不足與計事昔孔子治魯七日誅少正
卯今太守視事已一月矣五官掾張輔懷虎狼之心貪
汙不軌一郡之錢盡入輔家然適足以葬矣今將輔送
獄直符史詣閣下從太守受其事直符史若今之
當直佐史也丞戒
之戒之相隨入獄矣

劾匡衡張譚奏

衡譚皆畏事石顯成帝初即位
顯徙為中太僕不復興權衡譚

尊為司隸在孝元
時適當顯顯權衡
譚比附之際而廢
默不言此時武帝
即位顯已徙官尊
勅雖當惜其稍晚

乃奏顯舊惡請免
顯等尊於是勅奏

丞相衡御史大夫譚位三公典五常九德

九德見
卑陶謨

以總

方畧壹統類廣教化美風俗為職知中書謁者令顯等
專權擅執大作威福縱恣不制無所畏忌為海內患害
不以時白奏行罰而阿諛曲從附下周上懷邪迷國無
大臣輔政之義皆不道在赦令前赦後衡譚舉奏顯不
自陳不忠之罪而反揚著先帝任用傾覆之徒妄言百
官畏之甚於主上卑君尊臣非所宜稱失大臣體又正

月行幸曲臺臨饗罷衛士

諸衛士更盡得代去故天子自臨而饗之

衛與中

二千石大鴻臚賞等會坐殿門下衛南鄉賞等西鄉衛

更為賞布東鄉席起立延賞坐私語如食頃衛知行臨

天子當臨饗士時

百官共職萬眾會聚而設不正之席使下坐

臣獻四追論前事考及饗時情狀老筆終披文亦波峭

上相比為小惠於公門之下動不中禮亂朝廷爵秩之

位衛又使官大奴入殿中問行起居還言漏上十四刻

行臨到衛安坐不變色改容無怵惕肅敬之心驕慢不

謹皆不敬

有詔勿治於是衛慙懼免冠謝罪

先應舉尊之功狀
次言被勅之由別
白是非餘理秩秩
足令忠臣吐氣護
人哉志

公乘興 湖三老

訟王尊書

尊為京兆尹坐事免吏民多稱惜之
公乘興等上書訟尊治京兆功效

往者南山盜賊阻山橫行剽劫良民殺奉法吏道路不
通城門至以警戒步兵校尉使逐捕暴師露衆曠日煩

費不能禽制二卿坐黜

三輔皆秩中二十石號為卿也
即京兆王昌敗為雁門太守甄

遵河內
太守也

羣盜竊彊吏氣傷沮流聞四方為國家憂當此

之時有能捕斬不受金爵重賞關內侯寬中使問所徵
故司隸校尉王尊捕羣盜方畧拜為諫大夫守京輔都

尉行京兆尹事尊盡節勞心夙夜思職卑體下士厲奔
北之吏起沮傷之氣二旬之間大黨震壞渠率効首賊
亂蠲除民反農業拊循貧弱鉏耔豪強長安宿豪大猾
東市賈萬城西萬章箭張禁酒趙放

箭張禁酒趙放此
二人作箭作酒之

家○萬
音矩

杜陵楊章等皆通邪結黨挾養姦軌上干王法

下亂吏治并兼役使侵漁小民為百姓豺狼更數二千
石二十年莫能禽討尊以正法案誅皆伏其辜姦邪銷
釋吏民說服尊撥劇整亂誅暴禁邪皆前所稀有名將

臣正治曰漢世
三老數上書其
詞皆美蓋其時
風俗樸茂閭里
之間尚有直道
可採如此

所不及雖拜為真未有殊絕褒賞加於尊身今御史大

夫奏尊傷害陰陽為國家憂無承用詔書之意靖言庸

違象恭滔天

引庚書堯
典之辭

原其所以出御史丞楊輔故為

尊書佐素行陰賊惡口不信

謂其口惡而
心不信也

好以刀筆陷

人於法輔常醉過尊大奴利家利家捽搏其頰

捽持頭
也。才

凡兄子閔拔刀欲剄之輔以故深怨疾毒欲傷害尊疑

輔內懷怨恨外依公事建畫為此議傳致奏文浸潤加

誣以復私怨昔白起為秦將東破韓魏南拔郢都應侯

臣從宜曰時咨
熟諳國之大典
後世毀譽不稽
諸實事而人品
遂無定評如王
尊之乍賢乍佞
宜為湖三老所
訟也

譖之賜死杜郵吳起為魏守西河而秦韓不敢犯讒人
間焉斥逐奔楚秦聽浸潤以誅良將魏信讒言以逐賢
守此皆偏聽不聰失人之患也臣等竊痛傷尊修身絮
已砥節首公刺譏不憚將相誅惡不避豪彊誅不制之
賊解國家之憂功著職修威信不廢誠國家爪牙之吏
折衝之臣今一旦無辜制於仇人之手傷於詆欺之文
上不得以功除罪下不得蒙棘木之聽

周禮三槐九棘
公卿於下聽訟

獨掩怨讎之偏奏猥被共工之大惡無所陳怨愬罪尊

臣廷敬曰尊之
治跡各盡此書
漢世重三老故
所言多可採者

以京師廢亂羣盜並興選賢徵用起家為卿賊亂既除

豪猾伏辜即以佞巧廢黜一尊之身三期之間乍賢乍

佞豈不甚哉

期年也

孔子曰愛之欲其生惡之欲其死是

惑也浸潤之譖不行焉可謂明矣願下公卿大夫博士

議郎定尊素行夫人臣而傷害陰陽死誅之罪也靖言

庸違放殛之刑也審如御史章尊乃當伏觀闕之誅

子孔

誅少正卯於
兩觀之間

放於無人之域不得苟免及任舉尊者當

獲選舉之辜不可但已即不如章飾文深詆以愬無罪

亦宜有誅以懲讒賊之口絕詐欺之路唯明主參詳使

白黑分別

書奏天子復以尊為徐州刺史遷東郡太守

劉輔

河間宗室為諫大夫

諫立趙婕妤疏

成帝欲立趙婕妤為皇后輔上疏

妃匹人倫之始王化所從出也自非有德之世不可以奉神靈之統而樹官室之儀成帝於是乎失德矣

臣聞天之所與必先賜以符瑞天之所違必先降以災變此神明之徵應自然之占驗也昔武王周公承順天地以饗魚鳥之瑞

謂伐紂時有白魚赤鳥之瑞也

然猶君臣祇懼通色

相戒況於季世不蒙繼嗣之福屢受威怒之異者乎雖

臣乾學曰在易
家人言王假有
家而必本於女
貞之吉自古興
王之基罔不由
此河間言人所
難言不媿親賢
矣

夙夜自責改過易行畏天命念祖業妙選有德之世考
卜窈窕之女以承宗廟順神祇心塞天下望子孫之祥
猶恐晚暮今乃觸情縱欲傾於卑賤之女欲以母天下
不畏於天不媿於人惑莫大焉里語曰腐木不可以為
柱卑人不可以為主天人之所不予必有禍而無福市
道皆共知之朝廷莫肯壹言臣竊傷心自念得以同姓
拔擢尸祿不忠污辱諫爭之官不敢不盡死唯陛下深
察

谷永

字子雲長安人
歷官大司農

祭祀方術奏

成帝末年頗好鬼神上書言祭
祀方術者皆得待詔永因上奏

窮極方士情態可
以正人心維風教

臣聞明於天地之性不可惑以神怪知萬物之情不可
罔以非類諸背仁義之正道不遵五經之法言而盛稱
奇怪鬼神廣崇祭祀之方求報無福之祠及言世有僊
人服食不終之藥遙興輕舉

遙古遙字遠
也興起也

登遐倒景

在日

月之上反從下
照故其景倒

覽觀縣圃浮游蓬萊

崑崙九成上有縣
圃縣圃之上即閭

閭天門

耕耘五德朝種暮穫

翼氏風角五德東方甲南方
丙西方庚北方壬中央戊種

西山真德秀曰
永發端數指可
謂知道之格言
以永之學將議

五色禾於此與山石無極古獲長壽比於黃冶變化黃

地而耕耘也鑄黃金也道家言治丹砂堅冰淖溺方士詐以藥石若

令變化可鑄作黃金也水即消因假為神仙道化色五倉之術思身中有五色

使然也○津女教反五倉存則不旺皆姦人惑衆挾左道懷詐偽以欺罔世

主聽其言洋洋滿耳若將可遇求之盪盪如係風捕景

終不可得是以明王距而不聽聖人絕而不語昔周史

萇弘欲以鬼神之術輔尊靈王會朝諸侯而周室愈微

諸侯愈叛楚懷王隆祭祀事鬼神欲以獲福助卻秦師

論倘能一心帝
室而不私黨王
氏雖劉向不及
大節既虧他美
不贖惜哉

而兵挫地削身辱國危秦始皇初并天下甘心於神僊
之道遣徐福韓終之屬多齋童男童女入海求神采藥
因逃不還天下怨恨漢興新垣平齊人少翁公孫卿樂
大等皆以僊人黃冶祭祠事鬼使物入海求僊采藥貴
幸賞賜累千金大尤尊盛至妻公主爵位重系震動海
內元鼎元封之際燕齊之間方士瞋目扼腕言有神僊
祭祀致福之術者以萬數其後平等皆以術窮詐得誅
夷伏辜至初元中有天淵玉女鉅鹿神人轅陽侯師張

宗之姦紛紛復起

棘陽侯江仁也元帝時生使家丞上印綬隨宗學僞免官○棘音遼夫

周秦之末三五之隆已嘗專意散財厚爵祿疎精神舉

天下以求之矣曠日經年靡有毫釐之驗足以揆今經

曰享多儀儀不及物惟曰不享論語說曰子不語怪神

唯陛下距絕此類毋令姦人有以窺朝者

永數上封事尤善言災異

然專攻上身與後宮而黨於王氏杜欽杜鄴對策亦然俱無取焉獨此篇與訟陳湯疏持論甚正錄之

訟陳湯疏

成帝初匡衡奏湯奉使時盜康居財物坐免後湯上書言康居王侍子非

王子也按驗實王子下獄當死永上疏

儻刻之筆書劉至
之情結構最勝

仲任王充曰劉
向之切諫谷永
之上疏豈徒雕
文飾詞苟為華

臣聞楚有子玉得臣文公為之仄席而坐

事詳左傳

趙有廉

頗馬服彊秦不敢窺兵井陘

廉頗馬服君趙奢趙將也井陘之口趙之西界山險

道也

近漢有郅都魏尚匈奴不敢南鄉沙幕由是言之戰

克之將國之爪牙不可不重也蓋君子聞鼓鼙之聲則

思將率之臣

樂記曰君子聽鼓鼙之聲則思將率之臣

竊見關內侯陳湯前

使副西域都護忿郅支之無道閔王誅之不加策慮愒

億義勇奮發

愒億憤怒之貌愒皮逼反

卒興師奔逝橫厲烏孫踰

集都賴

踰速也速集郅支都賴水上也踰瀕曰遙

屠三重城斬郅支首報十

禁之言我精誠
由中故其文語
感動人深耳

臣美曰前博引
典故至結末處

年之逋誅雪邊吏之宿恥威震百蠻武暢西海漢元以
來征伐方外之將未嘗有也今湯坐言事非是幽囚久
繫歷時不決執憲之吏欲致之大辟昔白起為秦將南
拔郢都北阬趙括以纖介之過賜死杜郵在咸陽西秦民憐
之莫不隕涕今湯親秉鉞席卷喋血萬里之外薦功祖
廟告類上帝介胄之士靡不慕義以言事為罪無赫赫
之惡周書曰記人之功忘人之過宜為君者也尚書之外遂書
也

夫犬馬有勞於人尚加帷蓋之報

禮記稱孔子云敝
帑弗棄為羶馬也

皆收攝入正意
文勢益振而漢
封事多用此法

敵蓋弗棄
為獲狗也

況國之功臣者哉竊恐陛下忽於鼓輦之聲

不察周書之意而忘惟蓋之施庸臣遇湯卒從吏議使

百姓介然有秦民之恨非所以屬死難之臣也

書秦天子出湯

奪爵為士伍

梅福

字子真九江壽春人為南昌尉後去官居家以讀書養性為事至王莽顯政一朝棄妻子

去九江人傳以為仙後有見福於會稽者變名姓為吳市門卒云

言王氏書

時成帝委任大將軍王鳳鳳專執擅朝而京兆尹王章素忠直議刺鳳為

鳳所誅王氏浸盛災異數見
羣下莫敢正言福乃上書

斥言王氏如此切
直谷永輩見之能
無慙色

臣聞箕子佯狂於殷而為周陳洪範叔孫通遁秦歸漢
制作儀品夫叔孫先非不忠也箕子非疏其家而畔親
也不可為言也昔高祖納善若不及從諫若轉圜聽言
不求其能舉功不考其素陳平起於亡命而為謀主韓
信拔於行陳而建上將故天下之士雲合歸漢爭進奇
異知者竭其策愚者盡其慮勇士極其節怯夫勉其死
合天下之知并天下之威是以舉秦如鴻毛取楚若拾
遺此高祖所以亡敵於天下也孝文皇帝起於代谷非

有周召之師伊呂之佐也循高祖之法加以恭儉當此之時天下幾乎繇是言之循高祖之法則治不循則亂何者秦為亡道削仲尼之迹滅周公之軌壞井田除五等禮廢樂崩王道不通故欲行王道者莫能致其功也孝武皇帝好忠諫說至言出爵不待廉茂慶賜不須顯功是以天下布衣各厲志竭精以赴闕廷自銜鬻者不可勝數漢家得賢於此為盛使孝武皇帝聽用其計升平可致於是積尸暴骨快心胡越故淮南王安緣間而

次崔林希元曰
此書只把高祖
武帝事來議論
近而不遠切而
不浮惠而不激
可謂善立言矣
故雖觸時諱而
不責禍西漢之
末有士如梅生
公卿有視而目
矣

起所以計慮不成而謀議泄者以衆賢聚於本朝故其

大臣執陵不敢和從也

臣執陵君也謂淮南大臣相內史之屬

方今布衣

迺窺國家之隙見間而起者蜀郡是也

成帝鴻嘉中廣漢男子鄭躬等

反是也

及山陽亡徒蘇令之羣蹈藉名都大郡求黨與索

隨和

求索與已和及隨已者

而亡逃匿之意此皆輕量大臣亡所

畏忌國家之權輕故匹夫欲與上爭衡也士者國之重

器得士則重失士則輕詩云濟濟多士文王以寧

大雅文王

之廟堂之議非草茅所當言也臣誠恐身塗野草尸并

卒伍故數上書求見輒報罷臣聞齊桓之時有以九九見者桓公不逆欲以致大也

九九算當若今九章五曹之輩

今臣所言

非特九九也陛下距臣者三矣此天下士所以不至也

昔秦武王好力任鄙叩關自鬻

秦武王孝公之孫惠文王之子也任鄙力士也

繆公行伯繇余歸德今欲致天下之士民有上書求見者輒使詣尚書問其所言言可采取者秩以升斗之祿賜以一束之帛若此則天下之士發憤懣吐忠言嘉謀日聞於上天下條貫國家表裏爛然可睹矣夫以四海

東發黃震曰福
誠誠不忘君賊
莽借竊則一旦
飄然遠去賢於
揚子雲諸人遠
矣

之廣士民之數能言之類至衆多也然其僞桀指世陳
政言成文章質之先聖而不繆施之當世合時務若此
者亦亡幾人故爵祿東帛者天下之底石高祖所以厲
世摩鈍也孔子曰工欲善其事必先利其器至秦則不
然張誹謗之罔以為漢毆除倒持泰阿授楚其柄太阿劍名
歐冶所鑄也故誠能勿失其柄天下雖有不順莫敢觸其鋒
此孝武皇帝所以辟地建功為漢世宗也今不循伯者
之道迺欲以三代選舉之法取當時之士猶察伯樂之

圖求騏驥於市而不可得亦已明矣故高祖棄陳平之
過而獲其謀晉文召天王齊桓用其讎亡益於時不顧
逆順此所謂伯道者也一色成體謂之純白黑雜合謂
之駁欲以承平之法治暴秦之緒猶以鄉飲酒之禮理
軍市也今陛下既不納天下之言又加戮焉夫戴鵠遭
害則仁鳥增逝戴鵠也仁鳥鵠
鳳也○戴音綠愚者蒙戮則知士深退
間者愚民上疏多觸不急之法或下廷尉而死者衆自
陽朔以來天下以言為諱朝廷尤甚羣臣皆承順上指

臣士奇曰劉向之言王氏也直梅福之言王氏也婉諫遠之臣不敢輒盡其辭第欲開廣言路樹人主之威而折王氏之勢福之用意微而苦矣

莫有執正何以明其然也取民所上書陛下之所善試下之廷尉廷尉必曰非所宜言大不敬以此卜之一矣故京兆尹王章資質忠直敢面引廷爭孝元皇帝擢之以厲具臣而矯曲朝及至陛下戮及妻子且惡惡止其身王章非有反畔之辜而殃及家折直士之節結諫臣之舌羣臣皆知其非然不敢爭天下以言為戒最國家之大患也願陛下循高祖之軌杜亡秦之路數御十月之歌

福譏切王氏十月之詩刺后族太盛也小雅十月之交篇也

留意亡逸之戒

周書

篇名除不急之法下亡諱之詔博覽兼聽謀及疏賤令深

者不隱遠者不塞所謂辟四門明四目也且不急之法

誹謗之微者也往者不可見來者猶可追方今君命犯

而主威奪

君命犯者謂大臣犯君之命

外戚之權日以益隆陛下不

見其形願察其景建始以來日食地震以率言之三倍

春秋水災亡與比數陰盛陽微金鐵為飛此何景也

河平

二年沛郡缺官鑄缺如星飛權臣用事之異也

漢興以來社稷三危呂霍上官

皆母后之家也親親之道全之為右當與之賢師良傅

意主尊禮尼山而
以繼嗣為言辭復
警動

教以忠孝之道今迺尊寵其位授以魁柄

以斗為喻也
斗身為魁

使之驕逆至於夷滅此失親親之大者也自霍光之賢
不能為子孫慮故權臣易世則危書曰毋若火始庸庸

周書洛
誥之辭

執陵於君權隆於主然後防之亦亡及已

請封孔子世為殷後書

成帝久無繼嗣福以為
宜建三統封孔子之世

以為
殷後

臣聞不在其位不謀其政政者職也位卑而言高者罪
也越職觸罪危言世患雖伏質橫分臣之願也守職不

言沒齒身全死之日尸未腐而名滅雖有景公之位伏

歷千

四馬歷與歷同

臣不貪也故願壹登文石之陛涉赤墀之

塗當戶牖之法坐

戶牖之間謂之宸也法坐正坐也聽朝之度

盡平生之愚

慮亡益於時有遺於世此臣寢所以不安食所以忘味也願陛下深省臣言臣聞存人所以自立也壅人所以自塞也善惡之報各如其事昔者秦滅二周夷六國隱士不顯佚民不舉絕三統滅天道是以身危子殺厥孫不嗣所謂壅人以自塞者也故武王克殷未下車存五

臣杜鈞曰宋彰
先聖可謂功臣

帝之後封殷於宋紹夏於杞明著三統示不獨有也是

以姬姓半天下遷廟之主流出於戶

言其多

所謂存人自

立者也今成湯不祀殷人亡後陛下繼嗣久微殆為此

也春秋經曰宋殺其大夫穀梁傳曰其不稱名姓以其

在祖位尊之也

事在僖二十五年穀梁所云在祖位者謂孔子本宋孔父之後防叔奔魯遂為

魯人今宋所殺者亦孔父之後留在宋者於孔子為祖列故尊而不名也

此言孔子故殷後

也雖不正統封其子孫以為殷後禮亦宜之何者諸侯

奪宗聖庶奪適

奪宗始封之君尊為諸侯則奪其舊為宗子之事也奪適文王舍伯邑考而立

武王是也孔子雖庶可為殷後

傳曰賢者子孫宜有土而況聖人又殷

後哉昔成王以諸侯禮葬周公而皇天動威雷風著災

今仲尼之廟不出闕里孔氏子孫不免編戶以聖人而

歆匹夫之祀非皇天之意也今陛下誠能據仲尼之素

功以封其子孫

素功素王之功也穀梁傳曰孔子素王

則國家必獲其福

又陛下之名與天亡極何者追聖人素功封其子孫未

有法也後聖必以為則不滅之名可不勉哉

成帝綏和元年立二

王後遂下詔封孔子世為殷紹嘉公





御選古文淵鑒卷十五